

表

辭官

宰相雜謝

藩鎮謝官

公卿雜謝

文苑英華

五百八十一至五百九十

文苑英華卷第五百八十一

表二十九

辭官二

為楊相求退表一首

河東副元帥馬司徒請罷節度表二首

卧疾辭官表一首

代盧相公謝賜方藥并陳乞表五首

代賈相公乞退表一首

又代賈相公陳乞表一首

代魏博田僕射辭官表一首代韓僕射辭官表二首

為鄭滑李僕射辭官表一首代裴相公辭官表一首

為楊相公求退表

德宗

于邵 建中二年

臣葛炎此者盛夏無雨農人缺望遂軫聖慮迨乎孟秋乃下明詔竝表羣祀神人協和膏澤旋降嘉穀無害姿盛可期此皆陛下明聖慈仁上應臣所以慙懇重位容身無地載積憂懼豈違夙夜塵觀自昔帝王以理天下者未有不

疇咨訃謨以熙帝載三五以降則有六相十六族共陳翼亮之功其在夏殷不易斯典洎周分六官秦置左右西漢因之以丞相東漢更名以三公魏晉雖有損益亦無獨任之道陛下拔臣江澤之外致臣密勿之地縱欲思報鴻造贊襄盛業其如智識薄力所不任常恐負乘識薄無數以塞責臣又聞之天有三台鼎有三足丞疑所以備四輔股肱所以相四體則明崇構大厦非一木之力焉况臣愚駑而久備位今舞干以化戎狄修好網羅再張兆人是賴朝多賢達野無遺逸一能勝臣者則指顧皆是豈以萬務之重而獨委於凡流乎縱臣一朝敗累分從隕越則既墜之跡死將安謝伏乞俯迴天鑒退臣散地舉用伊臯使不仁者遠臣雖萬死誓無所恨不勝待罪兢惶之至

河東副元帥馬司徒請罷節度表

德宗

崔元翰

吳元年

臣遂言臣聞享其名者必有其實受其賞者必有其功臣以牲年奉詔東征田悅也伏奉恩命加臣魏尋博節度使方將牧其土地撫彼黎人致天誅以伸威布王澤而施惠不得不居其任何事而辭其後雖摧敗多剪滅未即類表作則未其賊偷延數刻獨保孤城田悅以潰亂殞身田緒以窘迫歸款聖恩復加弘貸悉復舊封以臣有擒制之所係縲紲懷之所降也徒之棄將吏之多特勅別置降保寧軍節度仍以臣兼充其使臣又方以勞來為事貴且慰安其心尋屬西河中內清關輔事殷重勞力焦神正在以憂虞未遑辭讓今臣舉軍還鎮解甲息騎况當款歲未康疲人方類表困若復虛兼二使別創兩軍職任既繁祿廩愈逾一作陪且臣非有收郡邑壁壘之實不宜復加名位拜有保城池封略之材不宜別開幕府而乃妄為繁費謬積恩榮在

私心懷苟得之羞於國典爲虛授之失伏乞罷保寧軍節度停臣此使以保寧軍兵馬隸屬河東節度則聖朝有省約之利愚臣減盈滿之憂且臣遵爵大官窮榮極寵何待加茲一職乃爲被以鴻私今保寧河東軍兵馬久同征行以相和協有同一體不必異名頗亦便安伏希裁擇無任困歎之至

第二表

前人

臣某言爲臣之道臣實聞之有難則受命而不敢辭事君無苟免之責已安則避位而不敢處量已無昧進之議况福過忌於滿盈任重憂於顛覆臣之所懼孰以爲宜臣少無材能進非經術因逢屯難遂効驅馳陛下每徵錄功累加高秩皆緣恩澤備盡寵光名列台司位兼宰府摠戎巨鎮類表居守舊都此又以東討魏州招降頗衆伏奉恩命

別以爲保寧軍節度又以臣兼充其使重以四征羣寇摠帥諸軍加臣河東保寧奉誠等軍節度并管內諸藩兵馬副元帥臣亦欲懷來疑附統壹携離以此因循不即辭避今者寇戎剪掃區宇混同方將撫綏無事征伐則臣不宜復居副元帥之任保寧軍將事與河東將士久同居並已寧和不必必別爲節度伏請停此二使許臣以河東節度使鎮守北藩猶有尊官又兼寵祿已爲厚甚不可復加雖尚偷榮近於量力冀將飾讓於外實惟陳請於中伏乞聖慈俯垂照鑒臣無任懇款屏營之至

臥疾辭官表

德宗

齊映 貞元二年

臣某言臣生何僥倖遇聖屬千年之運命何舛薄染患逾十旬之程法既限於朝章事竟塵於天聽惶懼戰灼不知所圖臣某中謝臣自三月天澤傍流御醫親降膏肓既辨

沉痾日輕但於寢疾多時羸頓猶甚支體骨立氣力憊然  
審慮旬日之間未任朝謁之禮更以法資畫一令在必行  
豈以微臣虧於大憲況中書密近樞務重切不可一日而  
闕臣以累月在假頗為曠闕罪實難逃更乞淹延心何自  
處故臣之陳奏非敢竊退讓之名臣之懇誠非為追止足  
之誠直以當其無病猶不逮人既以違闕豈堪玷法伏乞  
弘廣運之道崇大中之規是歸執龜之言以副垂衣之理  
豈微臣幸甚實彝章幸甚無任懇誠之至

代盧相公謝賜方藥并陳乞表

德宗

權德輿

見集本

臣邁言臣自染偏風今已彌月將息未減溼澤轉深休蒙  
特令供奉僧智昌醫療并每日令中使存問及賜椰湯煎  
驢頭方仍便令服餌者輒以庸賤昧於攝理久茲竊位常  
懼害盈陰陽之和無補時化風毒生疾上煩聖慈靈方御

醫稠疊備至雖受恩獲藥誠合漸瘳而福過災生慮難自  
保况中貴將命寵臨駘門犬馬之微日塵難續或有加減  
自合上聞非常之恩伏乞停罷且始司要重庶政泉源以  
臣居平素積官謗今右邊手足動用不隨自滯枕席已淹  
弦晦伏乞時以免職使得養疾居家博求上才用塞人望  
則公無覆餗之責陋質荷生成之化今攝衣拜章力且未  
足口占代署貴達愚衷無任敢感恩迫切之至謹奉表陳  
請以聞

貞元十一年  
十月一日

第二表

前人

臣某言臣以疾病所嬰在假既久自審不逮遂有上陳詔  
旨優答懇誠未允屏營慙懼不知所安臣聞為官擇人各  
司其局條貫素實集作條  
責實効共致理平凡在庶寮猶不可曠  
况宰臣之任鼎足承君調和陰陽左右教化能否之下利

害繫焉苟有所壅其傷必大以臣虛薄備爵四年奉勸精  
之勤但樂昌運當具瞻之地莫副羣心書曰百僚師師百  
工惟時言得其人也語曰陳力就列不能者止言審其分  
也況沉頓踰月冠帶未任風毒所侵難望速差彼衣已之刺  
倍切於今以被病之微臣尸台司之厚祿自知不可如公  
議何伏枕披誠再黷宸帑冀迴天鑒俯遂愚衷所謂曲成  
豈惟平施無任惓疑迫切之至謹奉表陳請以聞  
貞元十二年十月  
八日

第三表

前人

臣某言臣迫於疾瘵累有陳奏再奉詔旨私願未從感恩  
則深量力難濟況偏風狀候與諸疾不同雖時似小減終  
慮成沉痾中樞務重不可闕人自臣在假已四十餘日曠  
廢斯甚兢惶益深一夫不獲一吏失職則繫聖慮以之憂

勞今臣手足未平心緒未復卧受豐祿胡顏自安惟伏陛  
下順天理物躬勤庶政事無細大成遂其宜豈可獨私微  
臣久玷時化兼以直疏誠懇不敢苟飾煩詞冒黷宸嚴期  
於鑒照無任惶怖震越之至謹奉表陳請以聞  
貞元十二年十月十六日

第五表

前人

臣某言臣素以庸虛又嬰疾病半年在假未任出入四表  
上陳備盡誠懇通蒙渥澤特賜優容聖慈則深私願猶阻  
俯仰祗席兢惶靡寧臣本謂至春和得漸平復今方藥遍  
用根本未除雖簪帶假人得以被體而趨步無力難於拜  
恩輔臣之任百辟是仰遵守法度誠所宜先豈有踰歲家  
君尚塵鼎飪况所受厚祿出於疲人竊位公朝尚知不可  
沉痾私室何以自安易象害盈實在今日伏惟陛下弘覆  
萬物曲成不遺凡在懷生各得其所以臣沉痾久曠官司

前後陳聞披歷肝膽期切之至謹奉表陳請以聞貞元二年五月二十

第六表

前人

臣某言臣待罪非據歲時以深寵~~優~~逾涯災患自至一從移病忽及周月五獻章表未遂血沉誠~~痼~~之身滯於牀枕職守之効絕於官曹虛費祿廩不安夙夜遂於去年五月二十八日進狀乞停俸錢自~~後~~不敢更有請受竊冀素餐之責少息輿議舟懇之至上迴聖心邇來又經九十餘日成命未下憂惶無措蓋聞祿以詔功又以養賢以臣之愚而無功績久此尸曠俯仰內訟迫於公私臣之情理實為難處臣之言詞不能自達使得終獲退免曲遂微誠亭育深恩實在於此無任猥迫懇~~疑~~之至謹奉表陳乞以聞貞元二年五月九日

代賈相公乞退表

前人

臣~~躬~~言臣以庸愚謬尸寵祿位居師長職重台司徒叨渥恩無補時化跼躅荏苒六年于茲去秋已來多病相繼每自策勉以奉休明而筋骸內衰官謗外積近深~~病~~疾錦歷旬時進退之狀不怕寢食之理皆耗仗枕循省無所克堪凡在時情皆願貴仕況臣累蒙任使實越等夷~~縱~~容廟~~集~~作堂沐浴天澤恩弘歲久誠每切於匪躬~~微~~日侵越事有迫於力量伏惟陛下覆育臨照曲成不遺俯矜愚衷移授散秩則樞軸不曠輪轅適宜拳拳之誠所望斯足以無任懇欵惶懼之至謹奉表陳請以聞貞元十四年七月十四日

又代賈相公陳乞表

前人

臣~~躬~~言伏奉今日制除臣檢校司空兼左僕射依前同中書門下平章事祇荷成命捧戴恩私心魂震驚~~慙~~布失次

臣以庸薄無他材能先朝過聽賜驅策叨居鼎鼐謬十有三年猥承雨露之恩終闕涓埃之効累經陳乞未克懇誠復以餘年再承休運集作命自陛下紹纂集作庸賢曆澤被羣生亭育所加飛沉遂性而臣齒髮頽暮疾恙嬰侵筋體集作日衰心力皆耗况宰相之職用調陰陽司空之官實平水土從古授受重難其人以臣平居猶知不可今中既眩老外亦支離寐集作與不安言語失次豈可苟貪貴仕上玷清時省躬則然况在宮議古者君有致政之惠臣感得謝之恩鍾瀉漏盡前哲所誠年衰疾劇在臣為甚迫於情理敢黷天威悽血誠期在鑒聽無任懇欵懼之至恐冀謹奉表陳讓以聞臣集作誠惶誠恐頓首頓首謹言貞元二十一年三月二十一日

第二表

前人

臣集作言臣以疾病所迫氣力不任輟露懇誠上祈退免聖

慈備至私願未從詔旨便番慰勉集作纖悉自宜策勵奉以休明螻蟻之誠敢忘夙夜犬馬之疾日益纏綿視聽昏煩舉措乖謬心不記事口不逮心神理害盈正謂今日昔韋賢致仕著在漢庭韓厥請老書於魯史其可以茲沉痾苟汙班榮迫於公私非敢撓挹自聖明馭宇動植覃恩豈於庸愚獨阻誠志乞迴天鑒俯遂殘生伏紙上陳感涕嗚咽無任惶懼懇切之至謹再奉表陳乞以聞臣集作誠惶誠恐頓首頓首謹言貞元二十一年三月二十七日

第三表

前人

臣集作言臣殘年沉瘵漸不支持再表上陳未蒙允許顧茲朽質徒感鴻私而枕席纏綿形神消耗上台之任歲月積深大病之期晦明難保自叨升論道扶疾拜恩適以來狀候日以羸瘠集作災因福過足驗於今伏乞賜臣骸骨收臣印



綬期於必遂不敢煩辭無任量力懇迫之至謹奉表陳乞以

聞貞元二十一年五月二十日

第四表

前人

臣耽言臣聞生人所欲豈過富貴仕進之榮無踰公相臣受祿過厚叨恩且過集作深集察所侵日月以甚表章三上宸睠未迴忝然私室盍盡是慮臣頃歲齒及懸車疾經百日輒援禮令乞遂休閑先聖優容未蒙允許集作今則桑榆轉迫沉頓寢深比於往年遠不相及前後陳請備竭肺肝特希聖慈俯鑒愚懇羸骸假息所望退身瀝血披誠伏待明命無任屏營懇迫之至謹奉表陳乞以聞貞元二十一年七月二十日

第五表

前人

臣某言臣以庸累愚叨爵命大行皇帝拔擢非次列於宰司歲時寢深塵露無補太上皇踐祚聽政寵登三宮臣寢疾所嬰已在牀枕沉痾日劇氣力漸微自春涉秋四表陳乞伏遇陛下繼明纂統照臨萬方澄清化源朝野相慶但臣百疾所湊四支不任豈使將盡之人猶處具瞻畫之地私誠所迫上黷宸嚴既非矯飾一作讓在其聽納無任懇悃迫切之至謹奉表陳乞以聞貞元八年八月八日

第六遺表

前人

臣某言臣犬馬之疾福過災生前日以來轉就危困自量氣力的不支持自陛下嗣纂睿圖臣已寢疾一作綿亟竟不得一趨雲陛上謁龍顏幽壤之中以此為恨臣備位宰相歲時最深永歸泉下無補明代伏惟陛下為萬姓自愛則幽明蒙福無任感恩哀戀之至謹奉遺表以聞貞元八年十月一日

代魏博田僕射辭官表

臣某言臣聞中原息戰子房得以乞身東吳既平范蠡終能

行志二臣皆因時効用遇主成功進咸展於盡忠退各安  
於秩考所以亦名萬古保慶一時愚臣夙心私有所慕況  
蒲柳先邁駑蹇易疲審已無堪量力知止吐誠上達罄寫  
中懷仰冀天慈俯照遇謝中臣雖長於戎旅幼業詩書每  
稟効中之言早勵爲臣之節當珂朔承襲之日在軍幕危  
疑之間每動險中幾隣於死當以損軀報國幸彼頑人受  
命指蹤掃清餘孽用摠宿憤志一作以答明時一覩天庭百  
生願足但懷感激豈意遭逢伏遇陛下神武應期聖謀獨  
斷臣得遽陳忠誠見委赤心赤心唯將擐甲啓行竟力上  
憑瘠筭兇寇自夷今日獲覲天顏躬承睿渥平生之願既  
遂休老之志宜申豈可更貪寵竟久冒榮祿貽使官謗取  
笑將來臣自愬魏師初率歸化當時結念便誓此心祈於  
終一作素誠非是飾讓匹夫之盡猶不可奪臣一昨自離

本鎮亦此意明言陳諭聖恩勉其忠義將士等皆懷皇化  
盡激丹誠則一軍幸安且無足慮在於今日臣以何所任  
豈可久職妨賢待譏竊位此時不退何日宜退臣犬馬之  
齒未云甚高筋力之間已知不逮健一作加以少罹憂患鬢  
髮早衰久經行陳心力已耗若許其優養竟莫保餘年儻  
抑其遇性則生理必沮且身兼將相人臣之位已極蕭朝  
子弟人臣之家至盛於國何補獨荷殊私所以憂餘惡盈  
樂在知足繫壤自歡於聖日懸車待於豈禮年是用瀝膽  
披肝冒昧陳乞伏惟尊號皇帝陛下德邁羲軒恩深履載  
蕩除餘侵理致大和動植含靈無不遂性方將旁求於英俊  
共洽昇平如臣以鷹犬之微獲申搏噬累塵高位常積厚  
顏福過養生自當勇退且富貴榮樂是入所欲苟心所有  
尚意取或遠疆其不能適足增苦儻蒙恩造獲遂優閑許

歸衡茅取樂餘齒是天地曲成之德君父慕大之恩五湖  
迴舟生無慙於越相都門揮手死不愧於漢臣言瀟披血誠  
情切中素無任悃欵懇迫之至

代韓僕射辭官表

張述

臣某言臣以風疾多時受任非淺常有負覲冒刺官榮將  
貽折足之尤以速素養之謗昨者輒陳章疏冀蒙矜免不  
意血誠徒懇聖慮未迴懷荷寵私有如冰炭臣聞力小任  
重久則致敗功微祿厚過則生養故經垂知足之言易著  
負識之誠皆明力不勝任才不當官臣雖孱微嘗所執守  
且臣燮錢閩外二十一年弟執金吾男居藩服窮極寵幸  
萃臣一門每夙夜憂惶常恐身先犬馬不獲策勵駑蹇上  
報鴻恩今臣實懼不逮是以告訴況臣心力未減猶可執  
持筋骸已傷或難勉疆伏望聖慈哀察賜鑒一作一徇懇誠恕

其再有陳聞許以病免卅歲儻遂沒齒為榮無任懇迫之至

第二表

臣某言伏以累獻表章微誠務達屢陳聖聽罪犯已多臣  
聞固陋寒賤人之所惡富貴榮達人之所欲自臣忝謬即  
宜推陳豈可蓄縮偷安敷敷依一作依苟得若禮命命字有命年當植  
得者不觀榮一作榮故禮以旌德賞以勸勞諒或苟差何以沮  
勸臣自叨幸高位二十一年手足病風十有餘歲每恨國  
恩未答沉瘵遂嬰命竊極於公侯身實隣於廢棄幸逢明  
詔護觀闕庭天顏咫尺之間稠疊慈諭彤庭拜舞之際宣  
曲一作曲賜人扶焉有人臣對君上獲此恩禮陳于明庭雖丞  
相乘車入朝留侯劔履上殿臣忝方一作方臣僥竊被未為榮未  
知柯功寵光及此使策莫載古今全無皆陛下降稽天之  
仁垂極地之德特開貸納俯賜含容君父之恩不可稱量

臣每退朝之後感極涕流雖思訓子導孫披誠瀝懇率令致命不致終身蓋由感深切肌骨但臣去就如此保固於官榮尚稽覆載之私更安顯重之位則何以標明賞典準的朝綱臣是以陳露鄙誠罄竭於此昨者再披梱欵冒死奏聞蒙賜批諭特加獎飾錄其微効未賜允從臣今輒敢復獻表章觸法陳乞得抑恩私第養疾衡門則陛下無虛授之名微臣免曠官之責不奪之志告訴豈懼微於再三望之誠允許庶幾於萬一陛下儻恕黷俯察區區容其乞病免以徇誠請情一作雖死之日猶生之年臣無任

為鄭滑李僕射辭官表

王惲

臣某言臣聞虞舜之朝九官皆讓西漢之盛二疎云去蓋上以淳風盪俗下以庶耻激節故也況寵辱之際不驚則愚進退之階不知則殆中伏惟皇帝陛下德超邃古功格

上玄誕敷文教丕變頽靡天地日月載惟貞明動植翔泳罔不咸若臣某席以棧蔭階緣休運弱齡入仕四紀于茲三省微躬一何羣幸是以每莅一職每徙一官未嘗不心効權衡操懷竹柏雖齷齪廉謹曾無異績而毫釐過犯未汙簡書知臣在君匪敢矜述自陛下嗣臨寶位一十七年不以疲鴛猥蒙獎拔授以疆土假以麾幢入居宗朝之司出典服肱之郡八座之貴臣拜者三六條之榮臣守其五四開戎幕一佐中軍致如宮相臺丞堯侍臣竟印兼命稠疊累遷頻速輝光既極盈滿是憂間歲初領華州方宣聖澤俄以滑臺選帥非次及臣雙旌自天疋馬之鎮此州當四達之地控兩河之境兵唯勁逸人至凋殘臣遠仗皇威推誠撫衆服勤吏事盡庠牧人遂得黎庶就耕織之時士伍知訓習之禮此皆大化光被臣敢貪天之功常恐三至之奪慈

孤立速謗此臣所以怵惕惟勵中夜以興願披血誠上達  
旒宸伏惟陛下少加憐察臣竊以酬恩徇節心實無涯引  
重致遠力誠有極臣先於嶺南染風毒脚氣今年春又患  
發鬢分將不楚命及貼危幸沐亭育之恩免從惟蓋之斃  
臣年逾知命齒髮已衰疾經沉痾方村頓減久當繁劇必  
慮闕遺臣又聞制類表分閫者以重鎮為雄校鉞者以專征  
為務臣器幹不足以類表任方略不足以特權何以統  
節制之師真定否臧之戎律臣且陳力就列訓誥攸存審  
才則然以病宜免况巖廊多士宇宙無虞為官擇人皆出  
臣右胡可宴安冒寵尸素妨賢乞降賜骸之恩以全折足  
之咎臣獲退就散秩保養餘年類表候筋力之復疆申赴  
蹈而寧晚臣於當類表課營田及以羨餘優卹將士  
等事一一別具條奏冀明輯睦上副憂勤塵黷宸嚴冰炭

交臆無任懇切屏營之至

代裴相公辭官表宗

劉禹錫大和四年

臣某言臣去冬得疾近日集作劇西夕之景豈能久留  
及其未亂披露誠懇臣犬馬之齒六十有七壽不雖長亦  
不為短集作忝公台近十五年皆由際會非以才進常懼官  
謗以招國刑今被病得死保其始終為幸甚厚豈復咨嗟  
所根者遇聖明之君不得佐成太平之化自量氣力忽恐  
奄時一作則心有微素無階上達伏惟聖慈昭鑒憐而察  
之中伏惟集作三公非曠職之地載相非卧理之官臣伏  
枕之初已有陳乞請罷真食兼辭遺集作階伏蒙優詔纔  
遂一事頻降中使慰勉集作三專令御醫但夕詎視苟安名  
器不覺經時主恩則深公議不可伏思陛下臨御之始宰  
臣四人逮今零落忽已一半臣且危懃餘年幾何唯易直外

鎮獨得無恙竊持此理權位難居伏乞賜臣停官許在家  
養疾就閑辭祿或冀有瘳害盈福謙固是神理儻天眷綢  
厚念以伏事多年臣之所陳未蒙便遂則國朝勳舊以疾  
辭一作辟位者皆得致仕官使其家居足以頤養既有成例  
著於舊章伏望天恩特賜哀允

文苑英華卷第五百八十一

登仕郎胡

柯

鄉貢進士彭

叔夏

校正

文苑英華卷第五百八十二

表三十

宰相雜謝

雜謝表二卷英華所編  
失年代今以先後正之

為左丞宗楚客謝知事表一首

為宋尚書謝加三品表一首

為兵部王尚書謝加門下三品表一首

代宰相謝加銀青并郡公表一首

謝門下侍郎平章事表二首

代嚴大夫謝黃門侍郎表一首

為盧相公謝除中書侍郎表一首

為趙庶子謝平章事表一首

為崔相公謝下門侍表一首

代杜相司徒謝平章事表一首

代人謝平章事表一首

代王相公謝加門下侍郎食邑表一首

代崔相公謝加中書侍郎食邑表一首

代陳館王相公謝加食邑封實表一首

代中書孫相公謝登庸表一首

代陸相公謝再入表一首

代史館王相公謝監修國史鹽鐵使表一首

為左丞宗祖楚客謝知事表武后李嶠長安四年

臣某言臣志識無取才藝缺然叨預葭莩遂昇班秩彈冠受檄曳組登朝內府尸榮已招官謗中臺擢務愈塵政本聖恩無限天造不貲仍屈帝難俾參皇極西雍之羽仍所庶幾東郭之毫敢陳誠請九霄徒邈三舍不迴嚴命必行覲顏何真方持畫虎且對羣龍遂以挈瓶謬膺和鼎空焉作礪之命豈庶磨鉛之功祇拜寵靈伏增慙惕無任悚戴

屏營之至謹奉表陳謝以聞

為宋尚書謝一作加三品表睿宗蘇頌景雲元年

臣某言伏奉制書加臣銀青光祿大夫餘如故寵榮俯臨一作靈一作俯一作建一作惶怖交集臣某謝臣爰自弱齡素無一作微一作遠操儻

俛職事豈期聞達二朝揚歷數載塵冒以茲過聽皆是曠官內省寂寥長懷愧負陛下聖明御極多士如林不以臣不材擢升宰輔每侍帷幄未能昭宣景化頃司衡鏡未能澄汰流品一作品一作流若臣之咎將何以逃又擢一作採一作臣於循良之末賞臣於廉問之舉將一作舉遂出常規猥班休命臣之涯分頓為忝越比者應踐榮秩各限格文欲使無相奪倫較若畫一臣課効多闕勤勞未著爰屬首秋尚居五品名聞之始階方泛及格限之內考復相懸臣何人斯忽當今授臣縱不能鎮靜流弊安敢不罄其愚直首虧不刊之典坐

取非據之榮進退失圖心顏何寘况國之程式示於天下  
凡有虧紊過在大臣臣自違之復將焉用臣年未知命識  
非半古旋叨厚祿仍受隆寄求國章其已默一作點而顧身  
尤而必然聖朝有刺於在梁微臣生災於暇室豈唯簪紱  
之耻抑亦邦家之羞伏乞天恩曲流成貸矜其至懇知匪  
飾詞反汙收綸亦實一作臣之幸臣之幸臣無任切迫之至  
一作皆  
為兵部王尚書謝加門下三品表玄宗張九齡開元十  
臣駿言伏奉今月二十九日制勅授臣兵部尚書同中書  
門下三品殊常寵榮集作靈妄集疲朽承恩竊喜任重憂深  
惟集作憂臣誠懼誠恐臣伏以虛受之難魯史誠以量力滿盈  
之患集作過夏載陳其招損一作損臣昔集作階緣試吏際會登朝  
遂得入拜尚書比天之喉舌出鎮方伯集作與方為王之爪  
牙雖忠烈之誠心知所竭而績用之美歲久無聞今陛下

不以為愚

四字集作不以

寘之廟堂之上委

集作

以軍國

之謀實恐罪足不任鵜翼為刺退失微臣之守上累陛下

之明是以一

集作

夕久飛終朝三省桑谷為懼冰炭在懷

道路段觀於將行班位

一作

固慙於幸得

十四字集作

道

固慙於

幸得臣已有別狀具所讓人猶蒙曲私未寢嚴命方欲

俯僂恭命對揚休光磨鉛効於一割策蹇同於十駕臣誠  
懼塵台席繆齒國華將何以充答鴻私弼諧大化拜命祗  
懼閱知所為臣不勝荷懼之至謹奉表陳謝以聞臣誠惶  
誠恐謹言

代

宰相謝加銀青并郡公表

常衮

臣某言伏奉今日制書加臣銀青光祿大夫特封河內郡  
開公國食邑二千戶承命戰驚伏詔惶駭拜抃一作無次  
感涕失容中謝臣累代宗儒傳經素位所以勉修學藝將



業其官而文愧承家識非半古本期代耕之祿稍楷載筆  
之地幸叅近署久侍內朝謬朝雨露之恩頗甄歲月之  
獲承大命謝暮訓之規載忝有司無辨論之實既虛職守  
常懼滿盈無日不思每期負敗當時同列咸一作衆所明知  
豈意朝廷方正於紀綱天地忽思微細擢升一作左輔望出  
羣情陳乞靡從曠廢何甚在萬邦之化首處百辟之儀刑  
出自諸生猥當非據所以風雨愆候年歲不登邊徼一作  
交馳田租減耗凡隸數事職臣之由歷觀舊典合貶優秩  
累因陛下奏獻封章天威俯臨愚誠屢奪雖瀝懇無報期  
至誠必通上仰於朝庶幾諧願受策于第是所甘心方祈  
獲免之時更遇非常之賜特承七命之貴超過八階仍叨  
五等之榮坐封千里雖庭堅暮弼之德山甫將明之才頃  
遇今恩亦稱踰分況臣道慙先哲識類人平未遂退還已

紆聖眷頻煩寵拜實懼宸命一作神明伏乞俯照血誠特迴眷  
旨夫上有無功之授則下多不勸之嫌洎滴之勞未彰於  
近掖風塵之議將集於遠方所以撫心疚懷不敢奉詔拜  
手流汗詎容飾詞無任慙惶之至

謝一作讓門下侍郎平章事第一表代宗前人大曆二年

臣袞言伏奉今日恩旨除臣門下侍郎平章事祇奉失圖  
進退無據捧詔驚一作駭銜恩戰惶微存懇誠得自陳露  
臣某誠惶誠恐頓首臣本諸生粗傳舊業猥頓首以文藝  
獲一作辱於職官去歲已前尚忝絲綸之末今年夏首一作  
遂登鈞石之司舊德名臣當朝宿齒不叅此選獨進非才  
撫已再思胡顏自處伏以朝廷新有處分重舉典章而上  
稟眷謀下清庶品或一作通于元本一作源本猶懼匪服之  
嫌訪於顓蒙將貽覆餗之責伏乞俯迴天鑒更擇時賢則

三階有協贊之功兩府無虛尸一作曠之誚無任惶恐之至  
臣無任一作皆唐類表

第二表

前人

臣衮言臣退省無堪恐無所寵一作授是所以昧死上言  
拜手稽首讓于百辟多卿士冀迴宸鑒以遂至公鴻私復  
降墨詔未允慙艱惶怖不知所圖臣某誠恐誠懼頓首頓  
首臣聞左右惟賢國安在相處具瞻表一有儀之地當賦政  
一有興之源故有開必先立感幽贊軒皇則三台作配虞  
舜則五臣老作同遊殷夢帝而德說周降神而生甫用能  
洽皇王之道致天地之和至于漢興亦用人傑爰及江表  
猶擇資作偉才當此大任固非常品臣識惟愚拙才無經  
濟徒以趙宮觀聖逮事先朝鑿川踔扈獲承中顧凡所履  
歷莫非塵忝出於始望之外不知自至之由豈謂玄造曲

成大明私照俾佐邦政得參廟謀一作謨竊以當今樞務之  
重在昔上公之任臣識非通鑒一作博不可以論道文非雅  
正不足以經邦德不能鎮撫四夷政不能親附百姓況戎  
車尚駕邊患未寧方欲弘濟艱難以崇大化豈齷齪三字  
故非廉謹所能稱職若不自揣度苟貪寵榮寧止戶官備  
負期於竊折棟撓伏乞訪求羣議選用上才使聖朝有則  
哲之明臣下無虛據一作受之責踏天踞地一作項誓將死  
請如或聖眷俯迴一作亦天下幸甚無任懇迫屏實營之至謹  
奉表陳乞一作皆唐類表

代嚴大夫謝黃門侍郎表代宗

前人

臣武言伏奉今月十八日恩制除臣黃門侍郎忽降紫泥  
擢升黃閣出自非望感恩戰懼臣某中謝臣才乏經綸時  
逢際會累更天秩何補聖朝三踐一作壇九除憲府久迄慙在

政一作有慙一作正空忝觸邪犀節四持亂繩不理牙璋再建一作

橫草無功既曠職於神明州又尸官於華省屬犬戎猾夏

駕省方未殄國讎正當臣辱陛下分麾以討傳檄自安空

隨冗從之流竟乏橫行之議尚多淹致淹一作尚仍更冒榮

方扈宸遊遽膺夕拜久缺斯任永難其人本求英儒將備

顧問素無學術何以允諧竊汗軒一作詩屏謬塵瑣闥寵榮

非望祇荷失圖恩重才微難於捧藪眷深効淺祇益兢惶

上答生成唯知死節無任感戴屏一作之至一作皆唐類表

唐門下侍郎黃門東臺鑾臺同掌貳侍中之職帶平章事者

固是宰相如褚遂良崔日用皆為黃門侍郎或參綜

朝政或參知機務亦宰相之任今嚴武表誤入宰相

門殆以此耳

為盧相公謝除中書侍郎表

權德輿貞元十一年正月十六日

臣邁言伏奉今日恩制授一作命除臣中書侍郎同中書門

下平章事祇奉詔命循省妄庸感恩量力不知所措中謝

臣聞宰相者叙四時之化順萬物之宜用贊裁成使之茂

遂而中樞密勿庶政本源以奉大猷是為右弼臣實凡輩

本無他能家尚儒風獲承緒業因緣忝幸踐履班榮誠不

自意忽焉過量台司待罪已涉三年妨賢既久內省一作訟

彌切蓋庶謹誠懼人之常分而訐謨教化宜擇全才陛下

在宥外方躬勤百度豈虞賤質再沐眷慈特遷紫微實玷

皇極臣百所陳讓推於至公天鑒未迴進退惶灼且使人

以器知臣者君猷冀鴻私俯察愚懇害盈之禍敢受微軀

覆鉢之憂難抑公議無任感恩怖懼之至謹奉表陳謝以聞

為趙庶子謝平章事表

前人貞元十二年十月十七日

臣宗儒言臣奉伏今日恩制除臣同中書門下平章事祇荷

成命捧讀詔書心魂震驚拜抃失所中謝臣聞變贊化源  
參和鼎實上合一德以平六符苟非其所繫斯重臣本  
虛薄素無器能徒以文藝獲承代業此爾多士陳力清時  
累叨渥恩踐履官序頃歲奉職中禁草議南宮遂忝左曹  
列於近時顧常內訟已慮曠官豈謂宸眷特加擢在非據  
伏自備省不知所安且臣去冬尚守郎使今纔一歲遂備  
台司苟集作自非全才難塞公議雖鞠躬匪懈心盡事君之  
誠而宣化賦政恐累知臣之舉生成難報履鍊是憂伏以  
面奉德音不敢更有陳讓拜章感涕上答何階無任荷戴  
惶懼之至謹奉表陳謝以聞

為相公謝門下侍郎表

前貞元十四年七月二十七日人

臣損言審已無庸謬寵授昨所陳讓迫於懇誠冀全之至  
公豈敢外飾黃閣務重非才實難墨詔復臨捧讀增懼臣

聞惟君契陳任以器惟臣事君量而後入生之逢昌運自  
比可封之人職任集作在台司難逃竊依之責三年待罪無  
輔集作補盛明再命逾涯轉速官謗天威咫尺愚慮屏營伏  
以令斷表章不敢累黷宸扆雖誓心畢命以竭微衷而折  
足濡翼其如公議無任感恩惶懼之至謹奉表陳臣謝聞

代杜司徒謝平章事表

劉禹錫

臣某言臣伏蒙獎拔超淺鈞衡慮玷大猷昧死陳讓再奉  
嚴旨不令固辭恩厚命輕位高賚重中謝臣聞天下安危  
注意將相處論道具瞻之地當惣戎作鎮之權雖叶夢而  
求無聞秉鉞之寄登壇以拜不兼調鼎之榮受一作命惟  
艱伊昔繼爾況臣庸瑣類表作蒙何以堪克陛下玄猷曲成  
大明私照俾掌戎律復參謨寵光之命在臣已極廟毫髮  
之効於國何施謹當罄竭微誠奉遵至教仗天威以懾不

頃

類表

敷聖澤以遂羣生上分盱食之憂下塞素食之責

力誠不足心實念茲伏乞皇明俯賜照鑒臣恪居官次遐

守藩維不獲伏謝彤庭陳露丹慙一作心存闕下同犬馬

之戀恩身在淮濱仰雲天而結思一作根無任懇悃屏營至

代人謝平章事表

白居易

長慶二年

臣稹言伏奉今日日制書授臣守本官同中書門下平章

事者殊常之命非望之恩出自宸衷加於凡陋竦駭震越

不知所為臣甚誠惶誠恐頓首頓首臣伏惟近例宰相上

後合獻表陳謝臣今所獻與遠不同伏惟聖慈特賜留聽

臣伏惟玄宗即位之初姚元崇為宰相元崇欲救時弊獻

事十條未得請問不立相兼玄宗明聖盡許行之遂致太

平實由於此陛下視今日天下何如開元天下微臣自知

才用亦遠不逮一作元崇若又僂俛懷安因循保位不唯

恩德是負實亦軍國可憂臣欲候侍集無字坐對時便陳當

今切事不救時弊上酬君恩臣之誓心為日久矣陛下許

行則進不許則退進退必之分斷之不疑敢於事前先此

啓況臣才本庸淺遭遇盛明天心自知不因人進擢居禁

署訪以密謀恩將太深纔誘並至雖內省行事無愧集所愧

心然上黷宸嚴一作聽合當死一作刺豈意隣察曲賜安全集所愧

之生得到今集作之集作上門集作心集作革集作受集作已集作至集作充集作拔集作於集作萬死之中

置集作致集作在集作九天集作霄集作蕙集作道集作本集作越集作克集作捫集作心集作端集作已集作審集作分量恩陛下

以衆人心之待臣臣豈敢以衆人之心事上皇天白日實

鑒臣心得獻前言雖死無恨無任感恩懇疑屏營之至謹

奉表陳謝以聞臣某誠惶誠恐頓首頓首謹言

代王相公謝加門下侍郎食邑表

昭宗

錢翊

臣某言昨蒙恩命授臣某官等者今日日已奉表陳讓跪

承批詔未賜充從方就日以傾心若履冰而舉足臣某謝中  
臣立朝一作身守嗣莫繼前修學古入官敢期高位伏遇尊  
號皇帝陛下道惟樂育志在紹聞待河清而先靜化源致  
俗阜而惟深理窟當乙夜縱觀之後啓輔臣夢得之休而  
遽以平衡授茲弱質頗乖庶政莫達大經何施作相之才  
但累知臣知鑿厭兵而五兵尚在唯恐人殘祈穀而百穀  
未升仍憂歲早尋宜待罪已合避賢陛下慎以退人容於  
竊位兼迴眷睞處正台階進當浴鳳之榮便懼維鵜之刺  
况增封建俾重弼諧臣且自量則為不稱是以陳辭歷懇  
冀動天心拜章而方謂可安捧詔而未嘗得請尚希終收  
渥澤遂寢典彝苟責實有聞信假寵之非晚徇公於之道  
寤主所圖受爵既多懼君恩之太盛省躬甚拙知官謗之  
必興負戴聖慈臣某無任感激兢榮之至

代崔相公謝加中書侍郎食邑表昭宗前人

臣某言伏奉今月某日制書授臣中書侍郎仍進封開國  
子加食邑二百戶者寵踰素分憂集微窮臣某中謝臣聞  
當可舉而後行則彝倫叙見有功而後進則勞臣勸如感  
行不當舉進不見功是謂謬恩實維一作難虛授臣學非練  
達質異溫良致身而敢望坐茵措手而寧期補袞嘗塵侍  
從且昧論思既無酒誥之能莫並食時之敏忽蒙聖造遽  
委化勸佐運行而不應中台論變理而未周四序何言眷  
澤曲被微臣纔叨正秩之榮兼進疏封之戴命恩無力臨  
事知非將投盈篋之書寧用濟川之楫願迴玄鑿俯徇愚  
衷致公器之無私在國章而克一作益重光昭一作克聖德復  
戒貪夫仰望皇私臣某無任懇悃敦切兢悸之至

代史館王相公謝加食邑實封表昭宗前人

臣某言伏奉今月某日恩制加臣食邑實封若干者充位  
代天無名益祗地膚茂寵併集百憂中謝臣聞賞以旌昭其  
功典以載其事是爲重柄用合大經苟功不足昭事非可  
載濫承休命實累皇猷臣謬執化權無裨衮職徒見容於  
君父每受責於神靈頃者陛下薄宇近藩復興否運寬仁  
屈已神武去邪敢有惑於羣謀實無渝於之眷斷寰之內  
耳目同驚此非臣齷齪之心所能臣贊重圖反國艱若設  
都仗搃師以經營寄輔臣而鎮撫秦人載聚周廟克成千  
門既罄於建章萬騎仍隨於司隸宸居復正懸法更高又  
非蒙昧之才所能施展荷一景 賦而寵參天力奉清光  
而徒和山呼無補艱難方懷慙懼詎謂聖慈忽被異數仍  
加賞優而欲舉何功典重而將言何事况乎真食尤曰寵  
榮輕行於富庶之秋皆期必稱尚屬於艱難廢之日焉可非

宜伏冀聖慈必收殊渥臣某無任仰望迫切懇屏營之至

代中書孫相公謝登庸表

昭宗

前人 乾元二年

臣僇言伏奉今月某日制命授臣中書侍郎同中書門下  
平章事者渥澤自天狂忭無地臣某中謝臣聞在天子陰陽  
陽撫四夷遂萬者物宰相之職也然而能經國則國以佐  
天子達化源即可以理陰陽善柔權可以撫四夷適方圓  
可以遂萬物今臣材非經國智昧化源不知柔服之謀未  
達方圓之道使之執致必政曠官伏惟皇帝陛下與天同  
覆與日合明有言必訪於芻蕘有用必搜於木藪於今者初  
當出狩且欲興戎修至德以弭災動神機以伐叛復亨否  
運昭告玄穹是宜慎擇賢良光輔睿哲臣志雖苦學器異  
混成但爲章句章徒莫應權衡之任陛下明恩委照聖鑒  
洞開拔於駁正之司置在仰成之地越諸彛授於以洪鈞

空驚行潦之流忽載大州之職遭逢獨異寤寐終疑願回  
非次之榮且降可行之命立朝在野必有其人省已捫心  
莫知所措臣某無任感恩荷聖兢懼屏營之至

代陸相公謝再入表

昭宗

前人

光化二年

臣展言臣昨蒙恩制除授中書侍郎同中書門下平章事  
今日面宣聖旨不令更有陳讓者臣聞虞舜成湯之爲君也  
舉臯陶伊尹之賢處補衮宰衡之任不仁自遠大道甚夷  
上可致君不能遂物相須之用古策具書獲被寵靈再當  
燮理仰成之重內省致難披肝鬲之所藏冀封章之可達  
煩言無取眷矜莫回親奉清光復傾丹懇讓不容於稽首  
進何務以沃心臣誠憂誠感頓首頓首伏惟尊號皇帝陛  
下濬哲守文高明立極廣好問則裕之美推任賢勿貳之  
誠思舉直以化生待封比屋念偃兵而屈已欲拜昌言

是宜慎擇濟川傳求在野並稷契之稱前代若姚宋之贊  
本朝使竭謨猷以光輔弼臣器殊王佐質謝卿材常念立  
身但希承嗣未曉必聞之政合居不急之官雖臨事秉心  
如秤敢欺於輕重而自天率性佩弦戒亦於因循頃者徒  
幸遭逢且乖斟酌既塵公鍊果驗素餐旅叨就列之榮每  
荷匪瑕之道今者忽流霈澤又執洪鈞信夢寐一作寢之難  
期詎著龜之可卜頃雖當軸竊類代庖是非誠暴於人言  
去就敢違於君命中台不耀先慙箕斗之光元首自明何  
効股肱之力銜恩稱揣分彌憂詞莫盡於抽毫淡空知  
於承睫負戴聖造辭莫能殫臣某無任感激榮抃屏營之  
至謹言

代

館

謝監修國史鹽鐵使表

昭宗

前人

乾寧四年

臣博言伏奉今月某日制書加授臣門下侍郎監修國史



充諸道轉運鹽鐵等使者進當辨色動之書恩寵光忽降  
於昭回循揣空知於殞越中謝臣聞可衛稷社謂之大臣  
有利國家是為公輔大臣所以能經濟公輔所以竭訏謨  
儻昧於斯則同備位臣為儒孤陋守遲陵嗣既無稽古之  
勤止望易農之仕安敢苟求進達濫買名聲但任顛愚獲  
逢眷哲臨叨服冕遽至秉鈞而莫貢昌言多隳庶績復致  
省方之難皆由失職之憊且合自拘敢期策免陛下克固  
知臣之鑒每推責己之誠雖罷變調猷當節制俸彤弓而  
欲去報尚憂心指金鉉以復留終迴宸睞輔之委近於代  
所無不才何補於股肱有感徒深骨髓伏遇陛下之勃興  
景祚丕變公朝掃弊日之浮雲納投水日之堅石應機之  
當守不違從諫之明轉圜未速仰觀奮發實在斯須聖政  
惟新墜章咸舉求耆碩碩共致承平今臣曲被慈仍加  
需澤黃樞正秩青史專修兼司運漕之權俾集牢籠之利  
屏躬承命俛守退思固合避賢唯憂致寇保其終始賜以  
安全陛下許乞骸不令覆餗徇公為理擇善任人幸非  
伯石一作石非安之請敢待昭平之說且移盛寵別授通林顧  
叶澄清仍資富而近臣廢遽降一作近臣聖旨重臨難陳  
固讓之辭唯勵恪居之志雖言可畏垂難而有所不  
聞而內省堪憂補玄衮而何能自効臣某無任荷恩榮耀  
兢戴怔忡之至

文苑英華卷第五百八十二

登仕郎胡柯鄉貢進士彭叔夏校正

文苑英華卷第五百八十二

表三十一

宰相雜謝

為宰相謝至尊為蒼生祈福表一首

為李右相謝上上考表一首

為宰相謝賜竹扇表一首

為趙相公謝賜金石凌表一首

為盧相公謝恩并請罷官養疾表一首

代賈相公謝賜馬及銀器錦絲等表一首

代武相公謝槍旗器甲鞍馬表一首

代武相公謝借飛龍馬表一首

代鄭相公謝賜戟表一首

代集賢崔相公謝賜官誥表三首

代宰相謝宣示白野鵲表一首

代宰相謝宣示白雀白鸚鵡表一首

代宰相謝賜布帛表一首

代宰相謝降朱書御札表一首

代史館王相公謝令樞密使宣喻奸邪表一首

為宰相謝至尊為蒼生祈福表齊 孫逖

臣等伏見太常寺太祝王與奏陛下自臨御已來未嘗不  
四更已後夙興盥漱為蒼生祈福每遣公卿方士巡祭川  
岳祝文虔誠御札親署曾無一字自為聖躬伏請自令已  
後 聖心徇物俯垂矜允下情獲展品物同歡

伏以虞右俊明但聞恭已周王旰食亦謂憂人未有精意  
妙門勤祈道寶勞聖躬於夙夜移景福於蒼生遂以為常  
久而無倦肇自開闢未嘗覩聞雖履燾之恩豈求報於芻  
狗而生成之類願効祝於封人天聽不違氓心載悅況在

臣等特荷殊私莫測神功空慙帝力無任欣慶之至謹奉  
表陳謝以聞

為李右相謝上上考表 前人

臣今日伏奉恩旨垂賜上上考并辭捧讀兢惶戰汗交集  
臣謬以庸薄久塵樞近承奉明命述宣聖謨罪戾猶多洎  
埃何補豈晤天心善誘宸眷殊常垂翦拂於德音踰涯越  
分降恩矜於考績超等邁倫雖承舍垢之慈終多覆餗之  
懼無任慙悚之至

為宰相謝賜竹扇表 前人

高力士至奉宣恩旨各賜臣等竹扇及聖贊疑作以器  
用俯矜於煩暑博以文章更垂於光拂殊私備及自昔未  
聞臣等輕生謬膺大任雖罄心勵節徒有慕於修篁而淺  
謝疑作薄才何足當於眷藻外榮天賜內愧御題善誘之

恩則深負乘之責一作彌懼何以對越休命奉揚玄風捧  
對兢惶罔知攸措不勝感戴之至謹奉表陳謝以聞

為趙相公謝賜金石凌表德宗 權德輿

臣憬言伏奉恩勅賜臣金石凌并方及服法并金花銀合  
一又賜臣蘇膏方及眼赤有瘡方其方皇太子書者鴻私  
榮貺特發天心授恩拜賜慙怖交集謝臣聞台司之任茂  
遂羣生而攝衛乖宜自貽病疾理身未暇賦政何堪豈謂  
上簡宸衷俯矜賤質御方靈藥稠疊寵光齊和至精減聖  
躬所服翰墨玄妙降皇儲之書仰光輝而陋目增明承渥  
澤而沉疴自愈致金石之固通性命之保持誨諭曲盡慈  
旨蠲其煩滯授以康寧省已何功害盈知懼伏惟陛下宣  
布大化則時無疵癘懋建大中則物以阜安生及昌期  
自登壽域況臣劣薄待罪樞衡感平施而已深荷殊榮而

難報雖陰陽不測犬馬之疾頓瘳而日月無私螢燭之光  
何補生成覆露皆稟眷慈竭力致命豈申愚効無任感恩  
惶懼之至謹具表陳謝以聞貞元九年六月九日

為盧相公謝恩并請罷官養疾表德宗 高郢

臣邁言臣今月十四日以在假百日進狀上聞某日中使  
某奉宣進止令臣在家將養損日朝叅者力疾受恩慙懼  
交集謝臣病滿百日法當罷免恩自九天優以賜告伏念  
手足餘疾運用未平風毒常作療除多丸臣今若卧叨厚  
祿坐待全瘳豈唯日月易淹實亦恩私過幸且台輔為任  
周行所瞻臣匪服以居既貽官謗沉疴不退又廢公法夙  
夜循省心愧靡寧雖宸慈曲臨有所不忍而王道平施則  
惟無私臣既內懷尸曠之慙外迫支體之慮竊恐所攻非  
一望損彌遠徒闕遵常之典增延憫下之仁如蒙特恩俯

遂微懇得從解紱專一就醫則冀形魂兩安物議皆息全  
度之澤於此為深無任感恩之至謹奉表陳謝以聞

代賈相公謝賜馬及銀器錦綵等表 權德輿

臣耽言今日中使某奉宣進止以臣所進關內隴右圖并  
錄十卷特賜馬一匹并銀瓶盤等若干事錦綵等若干疋  
者承命抃舞震驚失圖伏以聖朝覆燾無私聲教遠被雖  
夏書禹貢周制職方重譯所通未若今日臣以末學獲奉  
昌期寧好地理之書頗知河湟之事明徵舊史博考傳集作前  
聞夙夜以思歲時遂久紀諸文字績以丹青上塵聖聰庶  
備方志豈謂眷慈弘獎寵賚特深出珍華於內府下駟駿  
於天廐恩榮所及煥麗相輝循顧庸虛曲承蕃錫負乘匪  
服併切於今無任感恩荷戴之至謹奉表陳謝以聞

貞元十四年九月 代武相公謝賜槍旗器甲鞍馬表 呂溫

臣元衡言今日中使某乙至臣宅奉宣聖旨賜槍旗器  
甲鞍馬并錦綵等禮殊其數物備其容肅以將威煥以昭寵  
雲澤濡體天光照門抃駭失圖兢惶罔據臣其誠荷誠感  
頓首頓首臣才無可取進不因人陛下憐其小心知其盡  
節特紆宸睭謬委白司匡補之益無聞將明之効靡著方  
俟嚴譴忽被集作蒙殊恩寄重西南任兼中外封開大郡秩  
正黃樞登壇於六符之階被袞為三軍之帥今古盛典盡  
在茲日人臣寵貴併集作舉集微躬豈臣孱庸所克負荷非  
臣殞越所能上報重錦名馬玄甲朱旗王事靡盬儼有行  
色天顏咫尺忽當遠離感戀彷徨拜受涕泣集作咽折衝分  
聞媿非式遏之才榮輝一作耀自天猥辱專征之賜無任感  
恩激切之至謹奉表陳謝以聞

代武相公謝借飛龍馬表

前人

臣元衡言伏蒙聖慈借飛龍馬若干疋至京兆府界首者臣  
謬處白司將明簿集作無効自忝方任恩禮特加獎諭綢繆  
寵賜輝煥寒衣病藥悉出聖慈疋馬一人咸經御選遠覽  
圖史近徵耳目如臣蒙幸未見其倫實有何功敢當斯遇  
盡節竭誠在臣子之本分殺身致命報君親之常道竟將  
何力上答殊私空保丹誠以至灰粉王程靡處天駟言旋  
仰服早之有期恨違顏之方始精魂自越顧步莫留權竒  
之姿向雲闕以驤首集作獨去悃款之戀與星影而共馳瞻望  
天庭罔知所措無任感戴彷徨之至謹奉表陳謝以聞

代鄭相公謝賜戟表

見六百一十八卷

前人

代集賢崔相公謝賜官誥表

錢羽

臣某言伏蒙聖慈賜臣某階某官食邑若干戶官誥一通  
者臣某謝臣伏以周官所建冢宰是先進階陞之名增井

賦以數重在彝典合為渥恩冒寵以來偷安而處不能退  
讓方懼滂盈詎謂陛下每顧舊章必加優禮雅誥既垂於  
綸綍待臣忽降於宮闈五綵相鮮且成文於潤飾萬鈞此  
重幾無力以捧持聚族咸觀省躬何稱遭遇莫酬於君父  
寶藏空戒於子孫竊視權衡唯思砥礪臣某無任感恩荷  
聖激切惶越之至

同前

前人

臣某言今月某日賜臣某官誥一通者臣某謝臣敢謂皇  
慈仍加濡澤固讓而丹誠莫遂退思而玄造寧酬今者特  
降近臣一作異遠臨私室琅幽下啓捧持空耀於微躬寶軸  
載觀燦爛仍驚於衆目榮光併集舒卷不遑難勝翮蔽之  
文何補燮調之唯一作齊當千慮以荷一作濟萬機見可而進之  
謀知無不為之力用裨至理度奉休期仰戴聖慈臣某無

任省已感恩之至

同前

前人

臣某言臣先蒙恩命授集賢殿大學士今日某日中使至  
忽承濡澤降自重霄再披五色之文若載千鈞之重臣某  
謝伏惟尊號皇帝陛下求衣待旦側席視朝方致理於雍熙  
每仰成於輔相臣自慚竊位唯懼曠官未獲避賢何堪假  
寵爰驚瓊質更被鴻私提玉鉉於中台已憂公銖揔石渠  
之祕署兼及一作集羣材當文德之大朝實名儒之重任今  
者遠頒雅誥益示皇慈兼命王人且臨松茅琅函乍啓光  
凝紫府之烟寶軸潛舒潤帶金盤之露空知焜耀無報眷  
明臣某無任荷聖戴恩兢懼之至

代宰相謝宣示白野鵲表

前人

臣某等言今日某日高品張師道至奉宣聖旨示臣等涇  
州所進白野鵲者臣聞白爲正色鵲實靈禽在五行而則  
稟金精於衆鳥而有殊羽族臣某中謝伏惟尊號皇帝陛下  
應上之道必順五行遂萬物之情非徒衆鳥宜獲降祥  
之類以昭致理之心是以素翼流光丹眸耀衆俄呈瑞質  
能弄好音應圖謀以自來詎網羅之所得諸侯入獻史氏  
明書寧同集樹之鳥堪並紀年之雀方開景運實契禎符  
臣某等謬贊皇猷竊觀神貺無任賀聖歡抃之至

代宰相謝宣示白雀白鸚鵡表 前人

臣某等今日某日高品張徒一作從羽至奉宣聖旨示臣  
某物者至化無私殊祥畢萃既光史策允叶元符臣某中謝  
伏以西方主白金氣應秋故靈禽頻見於塞垣玄貺實昭  
於人事遂使載飛之類皆呈受彩之姿以物窺天知天感  
聖犬戎柔服必無犯於西方禾黍豐登將有成於金象一作氣

假茲毛羽降彼藩隅既來獻於帝居獲同觀於公府何能翼戴徒荷休明臣等舞任舞詠聳抃之至

代宰相謝賜布帛表

前人

臣某言今日某日中使某至奉宣聖旨賜臣布一千疋絹二千疋者臣某誠哀誠感頓首頓首臣災集衰門禍貽諸父執禮既循於經典成喪將服於冠裳何言臣子之情必軫君親之念近郊承命飛星忽降於重霄寵數有章束帛戴頒於內府哀榮曲被跪受難勝上感聖慈臣無任涕泣惶越之至

代宰相謝降朱書御禮表

前人

臣某言今日某日中使某至奉宣聖旨頒示御札以貶黜張道古事更令申詰中外者聖旨昭垂羣情胥悅臣某謝中臣伏念元和一作中一作吏部侍郎韓愈因諫佛骨遂拜封章

以為前古奉佛帝王年代尤促憲宗以人臣去就乖忤非輕震怒所臨遂竄荒裔憲宗英主韓愈名臣典記可行事無不順今張道古狂愚一作所獻斥犯非常凡曰在庭皆知難恕深弘睿哲且欲含容雖匿瑕之道則然於犯上之名斯重臣等請行謹逐陛下尚顧物情宸翰所臨皇言曲被盡賀為君之盛咸知六疑德之能捧戴聖慈如親丹宸臣某等無任銘篆兢越榮感之至

代史館王相公謝令樞密宣諭奸邪表 前人

臣某等言臣嘗讀漢史竊見上官桀桑弘羊皆惡霍光之忠於王室也欲奪其權詐為燕王上書言光將有非常之變而昭帝知其詭詐欲害賢良顯發怒言保明元輔者以為漢昭之聰睿遠過周成臣等每閱其書實感其事以為後代不復有之今日某日獲進英奏事親奉聖言且以



陛下深懼艱屯欲清教化寤亂階於前事窮蠹本於小人  
既以一作誅鋤方期屏絕而常有枝術賤微之輩班行險  
躁之徒潛結詭謀輒投邪隙且相援引遂有譖傷間謀滋  
深根株甚鉅而聖心不動睿鑒有融盡辨諛諛靡容交亂  
致臣於不疑之地知彼有禍人之心且赫揚於斯必令懲  
革覲於左右永杜邪臣等且懼且驚載思載感還至公  
府未知所安樞密使其等又至中書備傳睿旨伏知是李  
遂劉達等共謀推薦李潔秉政因此大惑天聽君愚之所  
難聞乾坤之所共棄有李遂之奏之奏肆志苟言而陛下以  
為疑祇以為怨凡所布諭必盡洪纖某等復宣陛下之言  
不唯保任臣等兼欲擊繼此輩彰明我臣等稟命而思  
激情以泣自有邦國誰一作無君臣今此讒邪忍施陷穽密  
構於一夫之口何術可知潛行於萬衆之前何人敢辨雖

陛下察之不惑隱之不言有此釁端加於輔相臣之寤寐  
將至驚狂巨親奉亮言俾行漢律使罪人斯得餘一作除一作  
自安復使微臣必無他慮食馱馱者未足為德喻媒孽者  
未足為辭李遂輩擠臣於不測之谿陛下賜臣以援溺之  
手誣臣以難明之罪陛下諭臣以必信之言彼昭帝之時  
漢家方盛霍光之辨且有詐書今李遂得於艱否一作之  
朝進傾危之計宸聰之外孰可得聞一作則臣等塗汙一  
浸江漢難濯歿為野土誰為叫閭不自睿明焉能昭釋感  
入骨髓誓諸神祇千拜首以何為一剖心而始足唯當竭  
誠啓沃戮力弼諧盡毀家紓難之謀繼圖國忘身之策尚  
疑丹悃未荅皇私荷聖感恩臣等無任抃踊兢慄涕激屏  
營之至

登仕郎胡

柯

鄉貢進士彭

叔夏

校正

文苑英華卷第五百八十四

表三十二

藩鎮謝官一

藩鎮謝官表四卷英華所編失年代先後合正之

為西川崔僕射謝却赴劔南表一首

為夔州栢都督謝上表一首

為崔鄴公謝除鳳翔節度使表一首

謝浙西節度使表一首

代郭子儀謝副元帥河中節度使表一首

代郭子儀謝兼河東節度使表一首

為陳大夫謝上淮南節鎮表一首

湖南觀察使謝上表一首 為荆南節度使謝恩表一首

為鄭僖尚書謝河東節度使表一首

為裴相公謝淮西節度使表一首

為馬揔尚書謝除彰義軍節度使表一首

河陽節度使謝上表一首

謝除宣歙觀察使表一首

為昭儀王大夫謝知節度觀察等使表一首

為安平公謝除充海觀察使表一首

為西川崔僕射謝却赴劔南表 于邵

臣某言自中使馬承倩送臣却至所部漢州迴監軍使孟  
遊仙等續發北面拜天南旋舊鎮望九門而彌遠顧三蜀  
而何情如丹之心具列前表庶明臣子之分以期君父之  
知臣某謝臣四度興師每冬獻捷願將邊事親達宸聰比  
恐三軍阻臣行計潛裝密辦亦既經年上都贏糧傍路支  
費事皆前定誓衆遂行日望京闕一作天威咫尺豈知特平  
運末屬彼外虞徵發之期指蹤又切進退難處彷徨以還  
有心未明有口猶閉若捷之耻空思於堯舜戀主之誠

倍慙於犬馬臣知衙一作事官王忻傳遙自經驅使積有

歲時言行為一作惟一作惟一作臣腹心當今切務具如別狀

悉令密啓遠達由衷伏乞聖慈俯迴神鑒仍賜容納許以

畢辭天下幸甚天下幸甚其有不載文墨更令附口奏聞

皆是剝心所陳豈為億一作中之說儻可裨補雖死猶生

區區赤實敢希萬一臣以今日某日却至成都訖整齊戎

事即赴行營西蕃動靜續冀聞奏衆星微象長拱北辰勺

水細流盡朝東海惟臣不及飲恨何言無任感戀屏營之至

謹奉表陳懇以聞

為夔州集作栢都督謝上表 杜甫

臣某言伏奉今日某日制授臣某官臣某祇拜休命內顧  
殞越策駕馬之力冒累踐之寵自數勛力萬無一稱再三怵  
惕汗流至踵謹以某月日到任上訖臣某誠戰誠懼頓

首頓首死罪死罪伏惟陛下以君父任使之久掩臣子不  
逮之過就其小効復分深憂察臣劔南區區恐失臣節如  
彼加臣頻煩階級鎮守要衝如此勉勵疲鈍伏揚陛下之  
聖德愛惜陛下之百姓先之以簡易間之以樂業均之以  
賦斂終之以悖勸然後畢禁將士之暴弘治主客之宜示  
以刑典難犯之科寬以困窮計無所出哀今之人庶古之  
道內救悻獨外攘師寇上報君父曲盡庸拙之分下循臣  
子勤補失墜之日灰粉骸骨以備守官伏惟恩慈胡忍容  
易愚臣之願也明主之望也限以所領未遑言集作對無  
任兢灼之極謹遣某官奉表馳集作謝以聞

爲崔鄴公謝除鳳翔節度使表

臣某言伏奉去月二十八日恩制加臣鳳翔尹仍充本府  
及秦隴等州節度觀察使伏以才淺過深者敗公之本力

微任重者職禍之由况鳳翔天京四方取則使增廉問十  
里準繩苟非其人是速官謗臣前月已再三懇讓實冀陛  
下矜臣不逮察臣無能忝侍朝廷獲保衰朽豈意堯曦下  
屬舜澤旁流荐降殊恩不許固讓恭承寵命感懼交懷臣  
某中謝伏惟陛下德耀三光勳崇萬古彝倫式序庶績其  
凝臣本謏才素乏壽略謬膺任使累踐殊班顧無毫髮之功  
叨預丘山之寄今鳳翔近甸秦隴雄藩北有党項之虞西  
有羌渾之患或阻絕我道路或侵軼我封疆王師出征則  
鳥散山谷官軍罷討則雨集郊圻臣雖不才庶竭孱懦必  
將勸分務穡訓卒利兵剿除凶殘式遏寇讐使黎元無倣  
擾之患里閭無暴殄之災下傾百慮之愚上補萬分之一  
臣無任

謝浙西節度使表

肅宗

顏真卿

臣真卿言伏奉六月九日恩制以臣為昇州刺史充浙西  
節度使兼江寧軍使聖德含弘不遺舊獲捨其罪戾假以  
麾幢感戴恩榮死生知報臣某中謝臣以為全吳舊國分  
閩重權賁東海以自資塹西河而作固九州天險之地六  
代帝王之都是以魏文興嗟甘從南北之限符堅恃衆集  
後爰喪百萬之師豈不以形勝是先腹心斯切親賢重寄  
鎮邊依難別在庸微寧堪及此是以拜命之日以榮為憂  
制書以今日四日至饒州臣以今日發赴本道取都統節  
度觀察使李峘處分訖即赴昇州即當繕修甲兵撫循將  
士觀察要害以備不虞假陛下英武之威遵陛下聖集  
明之理一心勦力上答天慈伏惟陛下察臣愚衷集  
死且不朽無任感戴屏蒙之至

代郭子儀謝副元帥河中節度使表

代宗邵說廣德元年

臣某言伏奉今日日制授臣河東副元帥河中節度使寄  
深匡輔任切安危寵命逾臨憂皇如灼臣某中謝臣智術  
凡淺才略無聞承日月之光偶風雲之會自奉先帝徇以  
驅馳被甲即戎載罹寒暑比憑朝筭克振天聲雖毫髮之  
功曾無足紀竟不能掃蕩妖孽使八方依同謬踐中樞仍  
叨上將分茅錫社稷貫冠一時悽悽之誠竊自增愧今又猥  
蒙驅策出鎮河中授臣以連帥之權委臣以專征之務雖  
才輕方邵而任此極文此陛下除奸之時乃微臣死難之  
日竊觀自古忠義之士莫不扶危救禍憂國忘家難在暮  
年猶思報主則廉頗強飯馬援據鞍以臣方之有甚前哲  
軍國事重不敢固辭誓竭股肱之力以副腹心之寄儻皇  
猷獲展寇難克平殞身戎行實無所恨無任感恩

代郭子儀謝兼河東節度使表

代宗

前人

臣某言今日伏奉恩制授臣使持節都督雲州一作中

諸軍事兼雲州太守充河東節度度支營田副大使大同軍

使管内採訪使祇拜休命內揣薄才委任專崇屬章失

據一作周臣某中謝臣聞邊之安危繫於所屬事之成敗

諒在先謀故寸璧必求良工尺錦亦資善製況夫謀無智

勇備列戎旃自守封疆頗淹歲序肅將朝筭一作命剪滅克

徒此乃天功匪惟臣力陛下不遺犬馬念以驅馳收其分

寸之勞如以丘山之賞禮因位重恩與日深常恐顛危不

克負荷所以非一作昨有陳讓乞停范陽而手詔曲一作榮垂

不蒙允許退就私室竊愧明時素食之詩自臣攸作今又

更承獎命兼以河東邊境相連三千餘里烽燧列驚斥猴

須明雖則居安一作安寧終資有備以玉臣獨制謂必無失然以

能處一事身任一官猶擇其人且懼曠職況臣旁縮三節

控帶數藩智有所不周心有所不及兵權儻失奔駟寧追

實慮授受乖宜簡書是畏特望矜臣不逮察臣愚謏更選

良能付以旄鉞則樵夫絕議官序有倫臣無任

為陳大夫謝上淮南節鎮表代宗

劉太真大曆八年

臣某言今日二十日中使輔懷恩送告身至伏見一作奉恩

制特加臣銀青光祿大夫揚州大都督府長史充淮南節

度使仍封穎州縣開國子一作男食邑五百戶者臣以駕鉛

賤質葵藿愚誠謬荷深一作殊恩頻膺一作後重寄日月私照

雨露曲霑負戴不任兢懼失措臣某中謝臣自遠辭天闕

恭守海隅伏思陛下臨御之勤竊整愚衷蹇拙之分所恨

智慮不及績用無一作罕成豈望陛下知懇款之不渝將纖

毫而見擢持超階序俾易旌旄錫以開國之封授以臨戎

之節由江浙一作南之遠鎮踐淮表之名藩且地在要衝職

名一作居分間副茲統理豈易其人臣亦何功忽當此任仰

膺休命難叨履載之榮伏有微躬實積負乘之懼臣即以

今月二十五日發赴揚州其浙東使事已差觀察官殿中

侍御史盧翰權知留後無任感恩戰越之至一作唐類表

湖南觀察使謝上表 戰聚一作戰 王仲舒

臣某言臣以某月日到本部上訖榮如夢中不敢自信臣

某誠懼誠懼頓首頓首臣頃備位省官孤特無與自堅內

志不近權門逞憾者以陰計中臣伺其顛沛而臣位從

懼進身自危安陛下之保臣也陛下開張至道以福羣

生長人之吏必以歲久課其能否定為差等一作特疑作

無倖人獨臣領常州一年起居近地陛下之私臣也臣當

此時不能稱揚隱晦以納聖聰一作聰論列奇計以靖封略

使下有勝臣而未用者邊有戰聚而偷生者是臣負陛下

之知也況今方隅之任得其人則聖慮安矣失其才則衆

情苦斯位不細惟賢者宜之臣前官已曠後恩愈重公議難

違隕越是憂謹日用皇慈下末利病鎮浮惰之俗杜奸邪

之萌冀其小康上簡天府臣之心也敢有二事不勝感恩

戀闕之至 一作皆唐類表

為荆南節度謝恩表 前人

臣某言中使某至伏奉三月二十三日勅除臣江陵尹兼

御史大夫荆南節度觀察處置等使者如綸炳燧中天而

下伏讀惶駭不知所裁臣某誠歡誠恐頓首頓首臣既無

老嫗又無壯事塵玷重位前後六年將陛下覆燾之仁煦

姬羣物所至之土方獲小安如日照臨人共知見臣敢盜

竊以為已功况文昌六星將率為首非全材碩德類表未

嘗苟居陛下眷慮神行雄威電斷將付斯任尤精其人過

量之榮臣獨虛授

類表作臣  
實虛受

若在夢寐不敢自期即以今日

祇命上道臣團練判官太子舍人兼侍御史楊洽

類表作  
怡

父更吏塗兼練戎事謹差專領留務侍李衡交割不勝感

恩抃躍之至謹奉表陳謝以聞

為鄭儋尚書謝河東節度使表

德宗  
令孤楚

貞元十  
六年

臣某言銜官竇及迴奉伏十月二十九日詔書授臣朝散

大夫檢校工部尚書兼御史大夫太原尹北都留守充河

東節度度營田觀察處置等使勳賜如故者寵章明命

忽降自天捧受兢惶不知所措臣某

中謝

臣性稟

一作本愚

懦才唯薄劣居常厲已進匪因人心無所營宦不期遽伏

蒙陛下旁羅俊乂登用賢良擢臣於簿士之中授臣以

良史之任其後驟昇即署猥在朝行塵忝日深光耀隆

一作  
釋已

極徒思報効未有因緣旋屬邊上選能軍中乏使特蒙宸

眷遣佐兵符空知徇公無以稱職望帝城而積戀倏已四

年處戎幕而懷憂若臨千仞本使李說暫嬰疾苦奄從薨

逝伏以天威遠被廟略克成將士等盡忠義之心竭恭敬

之力保宇府庫鎮定城池奸宄不生三軍如一軍

一作監

使李輔光器能周敏知識通明與臣同心祇奉王事豈意

殊常渥澤忽出宸衷不次榮名併加於朽

一作賤

質仰承

雨露使

一作  
便

在雲宵跼影兢魂心驚股戰進非所據懼不

自勝臣伏以太原守在北門地方千里豐沛故壤陶唐遺

人合求勳賢膺此委用如臣山東弱植海內散材非卻縠

禮樂之資無翁歸文武之用將何以佩六官之印綬平三

府之憲章節御

一作  
制

萬人典司百事天運高競陳謔無由

感恩而涕下霑襟

一作  
袍

忍愧而汗流浹背謹以三日上訖

敷陳

一作  
仰敷

天意叶暢軍情論言一宣列校相慶臣誓當恭



承眷筭處奉聖慈以安人和衆爲心用報國忘家爲志冀  
伸分寸上答聖明所守有限不獲陳謝臣無任感戴屏營  
之至

一作皆唐類表

爲裴相公謝淮西節度使

憲宗

馮宿

元和十二年

臣度言臣伏奉去七月二十七一作五日制書除臣門下侍  
郎同中書門下平章事充淮西節度觀察處置等使蔡州  
刺史并淮西宣慰處置等使緣逆賊吳元濟尚拒王師遂  
於郟城縣權爲理所臣篤勵群師潛設多方傾其重兵頓  
在洄曲今月十七日唐鄧節度使李愬乘虛直進生致元  
兇臣與賈柵三營諸軍便降洄曲二萬餘衆積年逋寇翌  
日殄除淮右千里通行無礙臣以二十五日領所部兵馬  
及歸順將士至蔡州上訖豺豕舊穴迎風而沉掃鴟梟故  
林應節而黃落瞽瞍者咸觀堯日皤皤者重識漢儀臣以

不才猥當重寄力

一作下

排苟且議之上贊聖明之心不敢

偷安廟堂遂乞親臨疆場陛下初猶未

一作不

許微臣函請

是行眷旨丁寧寵

一作龍

光照耀臣中心自誓畢命無憾若

不成事必當死綏伏賴神道惡盈罪人斯得而今而後方  
保餘生就天堦削平之功貽策書不朽之美足使懦夫增  
氣曠俗剗心方偃武以修文故斲勞而永逸臣謹敷揚帝  
澤布國宣章滌其瑕疵衣以襦袴俾斯汙俗感若新邦底  
寧但以才一作某乏斯衝任兼中外摩頂至踵跡無非其渥  
恩矣臣者君庶不辱於玄鑿無任感激欣喜之至其承薦  
人自代具於別狀

爲馬惲尚書謝除彰義軍節度使表

前人

憲宗

臣某言臣今月某日使中某至伏奉九月制書除臣工部  
尚書兼御史大夫充章義軍節度觀察處置等使并賜官

告一通旌節一副及手詔等雨露恩澤濡易及瑤丘山施  
重負乘難勝臣某中謝伏惟睿聖文武皇帝陛下文教於  
暢三古武功加四海叢爾淮寇久稽靈誅蓋懷捨服之心不  
不以虞劉為事既已統之上將撫以中台臣實妄庸獲充  
貳職誠無裨補亦備玷辱頃來面辭密奉天旨以為此道  
必付微臣蒼黃受恩僂俛從事幸擒元惡曾未踰時果復  
聖言遠承寵命彩章五色虔奉璽書賞罰二權猥操兵柄  
鴻私荐及駑力何堪即以今月上訖臣伏聞師之所處荆  
棘生焉今管内數州凋殘極矣遍郊骸骨比屋瘡痍謹當  
翦以皇風施之帝澤俾汙俗遷善頑人嚮方知無不為敢  
竭微志事有未便即當上聞徒以跡遠闕庭戀深阜棧鑿  
門授鉞空愧于茲臣執贄奉璋未知何日臣無任  
河陽節度使謝上表憲宗  
令孤楚元和十三年

臣某言伏奉前月二十七日詔旨授臣朝議即使特節懷  
州諸軍事守懷州刺史御史大夫充河陽三城懷州節度  
使寵任非常忝營失次已再奉表陳謝訖臣某中謝臣器  
質庸懦材能駑下文詞小技不足飾身軍旅大權未嘗措  
意頃者叨居近密親事聖明一作選擢一作皆出於宸衷遺逢  
似一作自又作隅協於昌運進每憂國退常樂天曾不知操舟者  
忌臣及津執轡者畏臣先路雖皎皎下燭鑿一心之無瑕  
而營營謗興扇十手以相指去秋方半已出嚴扃今夏正  
中又離禁掖伏惟睿聖文武皇帝陛下不思深君父德厚乾  
坤憫棄席之恩軫遺簪之念微臣自臨關輔恭守章程非  
官辦而政成幸人安而事集既無罪悔亦望歸還豈意便  
昇疆場一作壇場超授鉞鉞再麾飄飄而出守十乘隱轉以啓  
行荷委寄而誠深若違離之稍遠就日積戀瞻天靡遑拂

儒冠以自驚對朝服而增歎一作敬以今月十四日到本鎮

上訖伏以郡稱河內山倚太行古為雄藩今號要地但緣

瘡痍未復杼軸已空力欲緝綏曷由振舉謹當拊巡羸卒

字育疲暈橫征擅賦誓不為一作行峻法嚴科議不用與之

休息使得便安以此執心期於報德前臨河一作瀛瀆美朝

宗而指期仰觀眾星俟一作思拱辰而何日所守有限不獲

詣闕辭讓無任感激一作思攀戀涕咽之至

一作皆唐類表

謝除宣歙觀察使表

穆宗

前人

元和十五年

臣某言伏奉今月日制書授臣宣刺史兼御史大夫充宣

歙池等州觀察處置等使者今自類表出九重恩加一介

兢惶感惕無地自容臣某中謝臣本以凡才從來孤立謬

居要地常積憂危頃者陛下嚴奉園陵孝思弓劍微臣職

當營護理合勵精而昧於隄防誤有任使既招牒訴合抵

憲章豈意類表陛下恩過生成念深簪履寬朝廷之典制

委藩鎮之賦輿飛魂再還戰汗交集誓當飲冰食蘗鏤骨

刻肌冀申絲髮之効上報乾坤之德不勝感恩皇恐屏營

之至

為昭義王大夫謝知節度觀察等劄後表 前人

臣某言中使第五守進至奉宣勅旨權臣知節度觀察等

留後臣即以今月十八日上訖非常之命降自宸衷不次

之恩猥加賤質捧戴兢惕罔知所圖臣某中謝臣內顧孱

庸素無器業量力揣分委質戎行身居將列朝絕親援不

識公卿之第粗聞宰輔之名雖學孫吳未知七德之要嘗

師顏閔不卷六經之旨愚惟守直訥未近仁顧瞻等夷每

愧劣薄苟求寡過之地竊慕事君之道東髮並仕逢盛時

以自怡執心許國遇暗室而增懼臣之愚素敢忘恩榮頃  
以陪臣獲隨覲見比辭瑤陛瞻覩天顏遂因頌慶竊膺寵  
錫自謂生足榮矣死無限矣豈意聖慈煥發眷將曲成拔  
自轅門寄之藩閩洎天心特達因屈朝章而人望乖踈必  
速官謗內諗惶灼浩無津涯且上黨重鎮赤狄遺人師旅  
荐興風俗難理猛則生怨寬不知恩隣接強暴地當關塞  
加之以仍歲災沴不足以兩稅徵科軍政稍乖豎覆是懼  
臣雖竭股肱之力瀝肝膽之誠不知何以上答乾坤少裨  
塵露云云

為安平公謝除充海觀察使表 李商隱

臣某言今月某日中使王使士岌至奉宣恩旨改授臣某  
官并賜臣前件告身一通者寵命天臨恩光春煦兢惶無措  
抃蹈失容臣某中謝 臣幸逢昭代本自諸生文以飾身學

實為已寧韞玉而待價竊運甓以私勞春闈再中於明經

天官一昇於判第階級甚薄際會則多芸閣雖書藍田集作

作吏中間因依知己契閣從軍其後超屬憲司驟登郎署

埋輪而出高懸集作八使之威起草以居遠謝三臺之妙

每含香而自數常僕被而侍命一作伏惟皇帝陛下陶鈞

庶景亭毒萬方憂位同堯好兼若禹東掖垣內封章何有

於日聞青瑣門前列位徒參於夕拜罷波濤而鯤鱗纒變

望煙霄而鸞翮初高誓將竭成非敢養望然虛受難處忝

奉國章非安忽補詳龍關捕類詳未遠開城不遠粗免官繆集作豈意便升班亞相之重班秩復委大藩

之問庶魚鱗帝語象軸神工拜受而若捧千鈞伏讀而如

據非安或擁隼旗竟辭龍闕猶賴云日未遠闕城不遠度

聽九奏成雖於負荷戀實切於違離况曲阜遺封導之河

舊壤列九州之數帶五嶽之雄古為詩書俎豆之鄉今兼

魚鹽兵革之地訓整合資於武幹拊循宜屬於柔良豈伊  
孱微堪此委寄當冰霜勵志金石貫誠駑當馬奮十駕之  
勤鉛刀率一割之用即以今月二日雪泣西拜星馳東下  
京城思入雖有類於陳咸關外耻居安敢同於楊僕無任  
瞻天戀闕之至謹附中使某奉表陳謝以聞

文苑英華卷第五百八十四

登仕郎胡

柯

鄉貢進士彭

叔夏

校正

文苑英華卷第五百八十五

表三十五

藩鎮謝官二

為濠州刺史王弼謝上表一首

為福建李中丞謝上表一首

為柳州鄭郎中謝上表一首

刺史謝上表十六首

為濠州刺史王弼謝上表

李邕

臣某言伏奉某月日制除臣濠州刺史聖澤天臨寵章霞

煥身微草芥地

疑作施

重丘山臣某

謝

臣奉詔字人星言即

路三省不及二過有懷棄短之恩竭力難負悔罪之感瀝  
血未俾以某月日到州上訖臣履冰誓心飲水銘骨勵精  
為政刻意求仁實望昭發宿誠宣揚大化上酬天地之德  
下盡臣子之忠臣萬死足矣

為福建李中丞謝上表

于邵

臣某言臣以二月二十四日特奉渥恩授臣福建都團練  
觀察處置等使福州刺史兼御史中丞其月二十九日與  
中史某南北路分即以今月某日至所部上訖感戴踰涯  
跼天增懼臣某誠惶誠恐頓首頓首臣聞度材任器論吏  
底祿三代所以直道而行迭相沿襲未之易也伏惟皇帝  
陛下聖謨廣運光宅天下德澤遐溢蒼生海遇至若閩越  
都會東南重鎮爰思俾乂宜者甚衆則中外咨謀孰非俊  
選豈臣蕪劣一無所取超獎不次特稟宸衷是以前表上  
陳披所布懇自茲夙夜不惶底寧况今効武之狀疑作秋先  
資輯睦安人之切又藉綏懷貢賦不差於時蠻夷得令安  
堵惟是四者之備皆臣之職分也誓將克勤竭力處約勵  
心日宣皇化以展微誠無任忘軀報國之至謹遣某官奉

表陳謝以聞臣某誠憂誠懼頓首頓首謹言

為柳州鄭郎中謝上表

李商隱

臣某言臣伏奉某月日制書授臣某官者即以今日日到  
任上訖臣某謝中臣緒承舊旆師震通儒萬里成功雖無壯  
志九夷不陋庶慕前蹤二紀蠻陬三提郡印唯真苦節以  
奉休辰牙管一雙未嘗關慮集作目竹書兼兩何敢經懷渭  
水之陰弊廬斯託每還初服常慊上農今者又即殊方復  
臨雜俗固蒙聲教終遠文明謹當宣舉一作奉詔書撫安縣  
道媒官學舍畢納於人倫畜蠶帶牛盡移於地利至於因  
遐弄法挾遠生情縱漏嚴科科必貽陰責山兼象縣江帶  
龍城撫已跼天敢忘玄造舉頭望日何處皇居憑宵夢以  
銜誠託歸飛而結懇無任瞻天戀闕之至

淄州刺史謝上表

李邕

臣某言伏奉某月日恩制除臣淄州刺史以今日便道  
至任自遠江左近守河南枚弊死灰建置生路別荷成造  
兼冀升遷三慶集身百齡踰外中謝臣聞天地大德百含育及  
於昆蟲兩路深仁霑霑及於蕭艾不限微品有愧洪職臣  
之謂歟伏惟陛下道揔三才在濬齊政運超四孟與物為  
春玄造加於萬方聖慈周於一物子人開化議事立權張  
皇連城勸勉群岳身同京職成祿賜之恩榮子預選曹廣  
門閭之惠澤是以龔黃蓄銳卓魯專精一作稱能竭盡公忠弘宣  
績用但駑駘之力不足以騁長衢朽木之姿不足以直  
楠徒遷厚祿無益聖朝撫事捫躬慙愧跼影伏以東臨巨  
壑借渤澥之水寬西望京師就長安之日近

岳州刺史謝上表

張銳

臣說言伏奉四月十有二日制書除臣岳州刺史其月二

十七日

集作魚

書到相州承恩惶怖狼狽上道以今日一

日至岳州上訖臣以昔侍金華過蒙榮寵負乘昭寇日待

譴黜

一作非短日間

聖慈遲迴仍委符守刻肌刻骨誠願上報恩私

無術無才將何克宣風化夙夜慙惕胡顏

集作寧

啓處伏以

貶官到任理在速聞不敢循常稽緩附使無任荷恩兢懼  
之至謹遞表陳謝以聞

荆南

集作州

謝上表

前人

臣某言伏奉二月二十五日制書除臣荆州大都督府長

史拜

集作命

荒服浮舟遄泝以今日十七日到州上訖山

到楚望水橫南紀德非羊祜迹謝宋均何以鎮靜流亡

攘除猛虺臣某中謝臣宿濫宸睭累塵榮獎福過災生至剛

多缺及一辭庭闕已涉五年不有自白之書竟無因人之

請天光獨照霧頓披窮鱗更躍鍛翻仍翫揣分瞻恩何

階及此媿乏才能集作不足宣暢皇風敢竭心力少冀上  
酬玄造無任欣抃兢惕之至謹附送丁匠資使所部文林  
郎守公安縣主部封希魯奉表陳謝以聞

武州刺史謝上表

于邵

臣某言伏奉今日日制除臣兼武州刺史本官勲封如故  
寵榮存及忝竊逾涯心魂驚越啓處無地臣某中謝臣本虛  
賤生遇休明雖跡淹戎位而功微涓滴自陛下聖理天下  
孝感神明任人為舊在物無棄故臣得參定洛汭凱旋鑄  
京職分上卿未到特進才力之所不足官謗之所自貽跼  
天躋地心媿顏厚殫身滅躋無以上報猷且血臣家帑放  
臣休沐遂嬰疾苦未及歸朝一年以還四命為牧內省尸  
素空勤行符將免胃而有期但戴天而何力即以今日日  
至州上訖奉宣化以靖方隅誓求人瘼勉守亭障無任

負恩勵節之至

汝州刺史謝上表

賈至

臣某言伏奉某月日制

集作

除臣汝州刺史捧荷恩私遣離

軒陛專城之寄則厚魏闕之心斯切即以今日至上州訖

臣某誠惶誠恐頓首頓首臣遭遇艱難謬忝近侍扈巡巴

蜀朝觀朔方崎嶇三年恒伏輿下

一作

而才微智淺內不能

申寄謀異畫外不能預武毅崇一作勲掌翰承榮日以為

愧屬陛下神武戡難再構乾坤動植生靈濟於塗炭臣以

庸劣績用無聞生觀中興以為殊幸官登列守彌覺叨榮

汝墳一作

之人久羅殘賊閭閻凋弊蓬蒲未靜闡陛下慈

卹之旨承陛下雷庭之威緝理疲人畏懷亡命均其一作賦

役勉其農桑庶憑睿謀迄可底定敢勵鉛刀之割終於一作賦

犬馬之戀不任悽悽之至謹奉表陳謝以聞臣某誠惶誠



恐頓首頓首謹言

忠州刺史謝上表

李吉甫

臣某言伏奉恩命擢授臣持忠節州諸軍事守忠州刺史越自東海牧于巴中秩優專城任切謹俗臣某誠歡誠喜頓首頓首臣頃以進取戎方謹累斯及遠投海裔分棄殊

類表作生

陛下精意饗天覃恩率土故臣得操樂霈澤剖

方一作州

恩出九重謗繡衆口受命之日心魂載馳厲楚越途

遙奔驅道阻泝流七千陟一作涉險非一虐暑嬰癘羸骸僅

存以今月七日昇曳到所部上訖臣往歲總臺掌禮已蒙

一作承訪對之榮南宮起草猶兼奉蒞之任陛下展事宮廟

臣實職道東輿接星伏歎鈎陳趨日馭於黃道奉璋薦鬯

左右天威增秩進階孺霑慶渥臣業以進才匪時須書

生之幸亦已過分中貽謗缺舛則自招一作已招今荷寵光恩

由天造勤一作期勵精於緝理庶有効於消塵一作埃巴山蕩

重峽水亦仍微分一作公非何寄長瞻北辰臣無任感戴屏營

至謹遣衙閣朝散大夫試充州長史賜紫金魚袋宇文儼

奉表陳謝以聞臣某誠惶誠恐頓首頓首謹言一作皆唐類表

為汝州刺史謝上表

穆貞

臣某言伏奉五月九日勅授臣使持節汝州諸軍事守汝

州刺史充本州防禦使臣竊荷寵命兢惶戒路以今月二

十五日到州上訖臣聞衆非所據榮實為憂任過於量勤

不補敗伏自省懼心魂震驚臣某誠惶誠恐頓首頓首臣

頃佐方鎮本逃飢寒推遷歲時累忝班序而身遠跡賤才

薄官微宣力中朝事將望絕昨者一介陪隸萬國朝元不

寤日月垂明幽隱斯燭苑徼未効託意於勞問之初愚懇

微誠畢辭於朝賀之次意既信宿遽承寵光況地屬王畿

任當時要憂寄所切文武是資何堪負乘又過繫擢唯當  
以竭誠自勵戒懼自持庶副所受安人理戎之命少酬萬  
一無任懇悃屏營之至謹某官奉表臣謝陳以聞

爲福州刺史謝上表

常衮

臣某言奏事官特進試鴻臚卿臣郝誠益類表至伏奉墨  
制優答兼賜手詔宸旨寵臨榮渥光被跪讀流汗捧抃失  
容臣某誠懼誠喜頓首頓首臣伏以聖慈宥過朝獎踰涯  
敢希深榮以冒班列昧死陳乞冀遂愚誠天覆棄瑕蕃寄  
如舊宜勵駑鈍以効涓塵類表不敢稽恩有觀承命類表欣  
躍仰何殊私踧踖戰兢實憂曠職謹當宣布澤德奉行科  
條苦鑄以蠲疲人誓心擬前補咎夙夜祇畏懲省惟勤期  
於萬一以申上報無任捧戴屏營之至謹奉表以聞

潮州刺史謝上表

前人

臣某言臣冒犯刑章合當萬死曲蒙慈貸特賜再生仍假  
分符更承寵授感恩待罪心魂戰越以九月十一日到州上  
訖臣某誠惶誠恐頓首頓首臣凡曠末品非才冒榮虛  
忝國恩實昧朝典尸榮無補公責所歸竊自循省早宜謹  
黜永惟先顧類表殊私慙負至深哀惶靡及陛下以大也聖  
承統以至明照臨孝思感於天地儉德齊於堯禹道在還  
淳化先無事臣宜進賢以報國同力一作以首功而乃輕  
秦忠良苟徇愚執豈非臣褊心失措躁遽而然亦是速戾  
之時迷誤至此負恩既重自孽何逃處之嚴刑猶未速責  
豐謂特迴宸斷俯降天慈矜臣蠢愚憫臣孤弱全其將朽  
之骨復其已逝之魂俾奉藩條獲從職守悚踴懼荷罔知  
所圖臣自辭闕庭深省罪豐一作未嘗頃刻輒忘悔尤終  
朝再馳每步懲誠終夜不寐每思兢慙尚偷餘生誓將改

過敢惜微命以自懷安惟勵丹誠庶答鴻覆况親人之寄  
在遠尤切謹當宣揚聖化慰撫海隅少安疲眊以展微効  
伏以差使上謝有虧格文跼蹐憂惶不敢專擅無任懇迫  
之至謹奉本道觀察使附便使奉表陳謝以聞

柳州刺史謝上表

李吉甫

臣某言伏奉詔書授臣柳州刺史以今月二十五日至所  
部上訖臣某誠惶誠恐頓首頓首臣前歲以疾停官去年  
蒙恩除替便欲裂裳裹足趨赴京師以舊疾所嬰彌年未  
愈逮及今夏始就歸途壤州集作陽節度使于頓與臣早歲  
同官見臣當署在道懇留就館尋假職名意欲厚臣非臣  
本集作所願伏惟陛下光被之德道已洽於區中憂濟之勤  
心每遍於天下常以萬邦集作邦理必籍於循良一物不於遺尚  
延於愚黷假臣寵渥重領方州駑駘復効於馳驅集作奔馳枯

朽更同於萍秀臣某誠歡成喜頓首頓首臣聞潢汙易竭  
徒有朝宗之願犬馬無識猶知戀主之誠揣分則然惟天  
所鑒况臣集作積思蓄左官一紀于外子牟馳心於魏闕汲黯之注

意

集作積思

於漢庭豈伊非夫

類表作臣豈非

人集作豈非夫人

獨無斯戀去就者榮辱

之主朝廷者仕進之源臣子之且忠貞所志臣雖心同犬馬  
而分此潢汙幸躡康衢意集作竟悲往蹇臣之此集作口不能  
諭意欲自集作志達文非盡言此臣所以自咎自傷恨乖志  
願猶冀苦心勵節上奉詔條惠寡安集作邨貧下除人瘼恭宣  
皇化少答鴻私不勝感戴歡欣之極謹遣軍事衙前虞候  
王國清奉表陳謝以聞

新唐書李吉甫傳改柳移饒舊唐書乃以柳為柳致  
柳宗元集三十八卷誤收兩表前題謝除云奉三月  
十三日制六月二十七日止訖此柳宗元表也後但

題謝上又云今月二十日止訖月日文理皆非宗元事  
其為吉甫何疑

饒州刺史謝上表

前人

臣某言今月某日中使劉元晏奉宣聖旨擢授臣饒州刺  
史兼賜官告仍至當州題上者臣與元晏以某一作月二  
十三日至州上訖臣伏以郡守分符朝有常典王人賜告  
班一作榮並貴臣事出非常恩超往例拜一作舞之際悲歡  
容臣某誠歡誠喜頓首頓首臣聞千年一聖生聖一作此時  
者為遭逢萬朝一昌偶昌期一作斯運者為嘉會臣頃者每念生  
聖時逢聖運而職在遐外莫能通何嘗不顧影獨悲捫於  
心屢拉晝望窗日夜瞻北辰豈謂分寸之績未施丹懇之  
誠若感微藿傾心蓋草木之常分太陽回燭及幽遠而不  
遺今陛下降不次之恩授分憂之地拜章承旨皆自中人

聖渥霑霑天威咫尺從此萬里不為孤臣臣某孤誠歡誠喜

頓首頓首臣又聞臣子之道犬馬代勞義不辭難分當竭

命臣竊以一作飽食厚祿肌一作肥生澤虜猶願荷戈於逐

虜之疆克胃於捐軀之所至於理財均賦惠寡安貧勸農

桑乾學教儒吏之常節駑駘顧何以堪當此殊榮少答互

造高秩以忝鳴私未酬悽悽此誠沒齒無怠不任感涕屏

營之至三十六字一作驚駭匪勞願上奉詔條下除人

一作皆唐類表

柳州刺史謝上表

柳宗元

臣宗元言伏奉三月十三日制除臣使持節柳州監諸軍  
事守柳州刺史以六月二十七日到州上訖臣宗元誠惶  
誠荷頓首頓首臣早以文律參於士林德望帝宗宗選於眾  
流擢列御史陛下嗣登寶位微臣官在禮司百寮稱賀皆

臣草奏臣以不慎交友獲及禍譴集作聖恩弘貸謫在善地累更大赦獲奉詔追遣離十年一見宮闕親受明命牧人遠方新經不宥之辜特奉分憂之寄銘心鏤骨無於報上天謹當宣布詔條竭盡駑蹇皇風不曷於遐邇聖澤無間於華夷庶答鴻恩以餘罪無任感恩隕越喜懼之至謹遣軍事十將劉伯通奉表以聞

代永州韋刺史謝上表

前人

臣某言臣伏奉某月日制書除臣永州刺史以其月日到州訖受命若驚臨職彌懼臣某誠惶誠恐頓首頓首懼臣以無能累更事任神州赤縣實所備嘗過量逾涯每深兢惕不謂聖恩推擇濫駕朱輪祿秩增詎施乳哺之惠於服命虛寧興襦袴之謔況此州地極三湘俗參百越志在衽居推髻之半可懇乃石田之鑿曠收守於再秋彌驕穢俗

代征賦於三郡重困疲人分災本出於一時積弊遂逾於十稔撫安未易知法出而姦生子育成誠難難力榮而功寡夙夜憂切不敢違寧謹當宣布天慈奉揚神化以日繁月儻或有成少裨愷悌之風用答生成之造臣無任感恩殞越之至

道州刺史謝上表

呂溫英華作

臣某言臣去十月十七日蒙恩授使持節道州諸軍事守道州刺史奉命星馳不敢違息以今月七類表作八日到州上

訖祇寵自天戰類表作躅無地臣某誠兢誠感頓首頓首臣

謬以孱庸早忝朝序再塵憲府三踐文昌竟不能著稱彌綸贊肅綱紀合行殿黜集作翻蒙獎任共至公之理分

子物之憂自古審官莫斯為重臣才乏吏用識昧政經將何以克副聖心撫寧遐俗唯當勤宣皇一作化虞奉彝章

苦節勵精類表精少酬萬一臣無任受恩感激之至謹奉表陳謝以聞

衡州刺史謝上表

前人

臣某言伏奉五月十一日恩制授臣使持節衡州諸軍事守衡州刺史散官勳賜如故謹以七月十五日到本州上訖恭承寵命循顧虛感抃失圖戰跼無地臣某誠感誠懼頓首頓首臣聞三載陟明虞書盛典六條舉最漢制宏規必在上在允帝逾俯能師錫臣謬領郡務素無吏能處守國章布宣皇化匪寧一作夙夜再換炎涼仰奉陛下憂勤以恤遠人凋瘵雖檢身肅不敢愧神明而阜俗之移風竟未彰於績用將何以特膺眷獎簡在宸心當愷悌之旁求副集作循良之慎集作選集作躬增愧集作殞首如慙謹當恪勵集作精誠策磨朽鈍冀集作立日新之効於少酬天

覆之恩實望慈照臣肝膽臣無感躍屏營之至謹差某官某乙奉表陳謝以聞

黔州刺史謝上表

呂頌

臣某言伏奉去年某月日恩勅授臣使持節都黔州諸督軍事守黔州刺史兼御史中丞一作臣某謝中臣以今年某月某日到所部上訖蒙燿之光無裨日月螻蟻之垤謬廁丘山臣素以凡庸幼乏師訓遭逢聖代一作志業無聞住昔建中之初佐戎南海屬陛下飛天御極拔異揆能以臣繆居朝竭之中嘗備對駁之末臣於延英殿獻大禮賦一首特奉恩旨令臣自讀天顏咫尺必聞一覽繁詞且三蒙眷獎宣附史館列在圖一作書此微臣之榮一也尋屬賊臣希烈上表臣奉詔奔馳因茲淪陷忍死効節偷生竭忠分士伍以弱枝獻土地以強幹當元兇授首之際亂兵害

帥之時玉石不分生殺一作殺傷未定初則傳臣及禍後乃知

臣僅陪陛下分命宰臣念形于色始臨軒而而出終省表

而再歡君上之慈古今未有此微臣之榮二也妖氛即珍

飛詔追臣就拜銀青仍一作無不奉和擢居第一唯臣一人

萬死之中再肉白骨九泉之下獨見青天此微臣之榮三

也去歲季春一作去年春陛下一作朝臣無不奉和擢居第一唯臣一人

遍示百寮凡在臣下一作朝臣無不奉和擢居第一唯臣一人

獨荷殊旌乃一作仍蒙厚錫光生御札榮蓋天衢百辟具瞻

萬人傳譟比微臣之榮四也臣本書生謬登清秩始詳刑

政旒陵轄司陛下不念愚蒙一作臣愚蒙擢臣非次草奏之地

忽降旌旄即署之間遂一作處遷方遷方鎮此微臣之榮五

也臣一作聞授寄崇者其勲大荷恩重者其感深今臣無迹可稱無

功可紀屢承眷一作叨冒一作渥寵一作草木逢春罔答陽和之煦昆

蟲啓蟄寧知天地之仁將何以受陛下非次之恩答陛下

殊常之造臣伏以黔巫遠一作遐僻山洞阻深地極荒輒人

多逋梗不生五穀不一作登識桑蠶迫之則鳥獸同羣一作綏

之則木石為伍臣謹當申明朝典宣布皇慈翕以仁義之

風論以君臣之道俾知教化或漸庶幾誓安遠人永清殊

俗臣無任荷恩寵之至一作皆唐類表

文苑英華卷第五百八十五

登仕郎胡 柯 鄉貢進士彭 叔夏 校正

文苑英華卷第五百八十六

表三十四

藩鎮謝官三

為同州顏中丞謝上表一首 代鄭南海謝上表一首

為安平公充海謝上表一首 為濮陽公陳許謝上表一首

刺史謝上表十三首

為同州顏中丞謝上表

謝楚

臣某言伏奉恩制授臣同州刺史本州防禦長春宮等使  
即以今月八日到任上訖載服明命叨塵寵光逾涯之榮  
滿覆是懼臣某謝中臣幸逢昌時早獲入仕由乎邑吏叅佐  
戎藩材謝中人官寧期達聖朝道廣管蒯不遺遂得牧守  
連擢大郡徒以清心自約直質在公未申致命之誠久負  
竊位之責前秋屬奸兇構禍譟動殊方臣所部當州首為  
劫脅乃藉天聲以告隣境戮其偽將以詛奸謀蓋知無不



爲是臣職分陛下特錄其微超授方隅從政未洽於遠人  
進律俄遷於近輔非次之獎臣何以膺又臣伯父贈太師  
臣真卿在肅宗朝嘗典茲郡餘蹤遺事較然可徵臣以不  
腆之姿繼序官業誠比德非肖疑陳力異能而代授國恩  
若未失墜臣不勝感涕荷之至當今德澤被於寰宇薰風  
襲於隱微俗臻大寧吏易爲理臣專奉揚大化申報皇  
茲事有未便於人者續具條奏以酬陛下子育之旨臣無  
任戴恩隕越之至

代鄭南海謝上表

呂溫

臣某言臣自遠集作遠離闕庭晨夜奔涉祇承寵命不敢違  
寧謹以某月某日到所部上訖仰集作奉宣聖旨親諭遠人  
酬恩之効末期戀主之誠已積臣某誠恐集作感誠懼頓首  
頓首臣本章句諸生器用無取徒以小心畏敬謬爲先聖

所知趨奉禁闈浸踰星紀屬內外危疑之際是非剖判之  
初實以艱貞自持中立無倚天高聽近愚隸獲申神幽鑒  
明昌運斯屬遂蒙陛下擢於侍從超冠等倫用其憂國之  
寸心委以代天之重務俯俸三命炎涼五周登車奉馭朽  
之懷假寐感宵衣之志徒耗神用莫能將明筮盈謗而方  
賜馱馱鼎折足而未忘簪履集作履竟以陳乞遂其優容無  
綺季夏黃之德而猥當調護無竇融賈復之勞而獲奉朝  
請以此沒齒猶爲負恩豈意曾未踰年忽蒙抽獎廟授鈇  
鉞廷賜旌旗俾臣懦夫當此大任節制五嶺幅員萬里伏  
波之銅柱猶在永謝奇功士燮之鼓吹日聞彌慙武幹將  
何以宣美皇化振揚國威洗愆責於千齡答生成於再造  
唯當舉章脩集作條法苦節清心撫獷俗以思柔酌貪泉而  
無懼庶幾萬一仰副憂勤以白日在天長安不見丹涯限

地溟海方深顧蒲柳之前衰奉軒墀而尚遠無任感戀屏營之至謹差某官某奉表陳謝以聞

為安平公充海謝上表

李商隱

臣某言臣自承明詔移鎮東藩望闕而血涕以辭戒途而星奔不息即以今月五日到任上訖當時集軍州官吏等宣布皇風闡揚玄造歡聲雷動嘉集作喜氣雲高臣某中謝臣本由儒業獲廁榮朝粵自烏臺至于青瑣累更近地皆奉休期用盡心以書紳長憂福過取知足而銘座敢傲時來旋屬皇帝陛下垂意闡城推心旬服俾之防遏兼使緝綏橫被天子未移星館豈期非次忽致殊遷察俗雄藩分榮大憲地濱河濟山奄龜蒙本孔里周封有堯祠舜澤九州之名數甚古三代之禮樂舊傳退省何人合安茲地撫躬而浹洽集作洽背汗下仰恩而溢皆淚流况所部驍雄素

兼節制為於當代便屬文臣畫武聚螢昔唯久事筆硯佩鞬帶鶡今寧能執干戈幸臣前在華州日處奉詔條克宣戎律檢下而羊無九牧馭黠而犬用左牽因令去任之時大有遮留之請盡三屬縣至萬餘人不放即途皆來卧轍竟稽朝發遂致宵奔請於茲時亦用前政冀漸令蘇息長使謐寧然後遠訪云亭高尋日觀備萬乘登封之所設諸侯朝宿之儀盛禮獲窺微願斯畢過此已往不知所圖無任戴恩隕越之至謹差某官某奉表陳謝以聞

為濮陽公陳許謝上表

前人

臣某言臣伏奉去月八日制書授臣前件官臣即以某月日到任上訖當時集軍州官吏僧道耆老等諭揚皇集作化宣布眷慈連營咸鼓於巽風闔境均霑於允澤臣某中謝臣材謝漢飛義慙燕使集作獻書求試學欽邀勳大舸千

艘早竊樓般之任勝兵萬數晚兼車騎之名雖任在啓行而時當柔遠珠崖銅柱祗務廉平麻壘艾亭莫能恢復旋屬皇帝陛下荆枝叶慶棣萼傳輝臣得先巾墨車入拜丹陛蘭臺假號棘署叅榮奉漢后之園陵獲申送往掌周王之稟庾方切事居不謂遽董戎旃還持武節賜國既高於七命承家又慶於重侯維彼壁田實聯鼎邑古之近甸今也雄蕃想像汝南星聚而先賢未遠經過潁上水濁而強族皆除况在昔年常隣多壘載瞻軍額深見士心貴忠孝之兩全則忠因移孝正文武之二道則武可輔文將謀將領之能必重英豪之選豈虞拔擢乃出尋微謹當阜俗而必致人和貞師而不爲兒戲使流庸自占驍悍知方任棠水薤之規臣當可復黃霸米鹽之政臣亦不遺粗勤報効之資用贖貪饕集作切之責奉違軒鏡幾落堯窋比園葵

以自傾晝唯向日羨海槎之不繫秋則經天感激而淚血霑衣兢憂而汗雨浹集作洽背無任感恩戀闕兢惕屏營之至

濠州刺史謝上表

獨孤及

臣及言臣伏奉今年五月一日勅授臣使持節濠州諸軍事濠州刺史臣頃待罪禮官備員郎署職曠無補增懼且愧陛下不以臣愚擢居二千石之列今之刺史古之諸侯州人安否繫在一吏臣非其才無以稱旨奉詔之日懼又甚焉以閏六月十二日到任所集任所部上訖唯當奉宣聖猷竭誠帥下瞻戀天造酬効無階無任喜懼之至謹附驛奉表陳謝以聞臣及誠惶誠恐頓首頓首

常州刺謝上表

前人

臣及言臣伏奉去年十二月二十三日勅授臣使持節常

州諸軍使守常州刺史充常州類表作團練守捉使臣伏

以江東之州常最集作為大類表作常集作陛下不以臣不肖

拔臣於羣吏之中以考則年未久以勞則功無可錄而除

拜之次加於人一等臣及誠惶誠恐頓首頓首臣彼歲常

忝諫官歷博士尚書郎之秩雖備嘗獻納累黜天聰集作

竟無絲髮裨補盛明集作及典濠舒二州出入七年又不

能副陛下政平訟息與我共埋集作之歎至如流人自占

早不為災實由陛下當勤雨集作之初下哀痛之詔寬減

稅租入三分之二是以和氣傍感災變為福福流臣州人

是以類表臣寧敢貪天之功以為己力今陛下賜臣詔

日斷獄歲減流庸日歸以人俗之豐給當淮湖之災早陟

爾明効宜列中朝臣無其實謬奉殊獎集作伏覽聖旨惶

悚殞越況遇陛下厲精百揆之始日以堯吁舜咨傍求俊

造或經時不除一吏除必以公才為先苟非其人位不虛

授搢紳之輩僥倖望絕臣當此時英華作獨荷榮寄人之

多幸將自臣始致寇速謗實憂自類表貽今以三月十

七日到州上訖雖欲勉勵疲鈍集作修吏職懼力不逮

上累皇明奉詔夕惕且慙且駭無任感戴喜懼之至謹奉

表陳謝以聞

為張洪州刺史謝上表

前人

臣某言伏奉某月日勅除臣使持節都督洪府集作諸軍

事洪州刺史充洪撫等七州都防禦觀察等使臣才不如

人位忽過量仰戴天造兢然自失臣某誠惶誠恐頓首頓

首臣往歲安祿山以盜泉飲臣臣受左衽之辱而不能死

陛下以鴻私活臣臣荷乾坤之施而不能答徒竊寵榮類表

秩作三典藩郡至如俗阜類表不擾人或小康此實堯風比

物比屋日用臣敢貪天功以為己力不謂陛下獎勵是務以臣為勤自春徂秋凡三錫命九州之伯臣忝其一况豫章重鎮荆揚輿區五嶺控其南九江在其北軍帥之統連率所統安危是繫分憂之寄豈臣足當負荷恩光懼殞越于下今以某月日到任所集部上訖謹當靖恭守位夙夜在公宣皇猷以導風俗仗天威以訓師旅庶以四境無虞百姓輯睦為報力或不足則繼之以死臣之分也敢有貳事臣無任感戴喜懼之至謹奉表陳謝以聞

為張濠州謝上表

前人

臣休集作沐言臣頃陷身兇族待罪黃沙戮社豐鼓職集作是臣之分陛下照臣以日月之光察其微懇拔臣於縲紲之下授沙專城今日餘生實明朝所賜寵章榮命豈賤臣之心碎首粉骨未答天造今以某月日到濠州上任訖類表到

訖州上謹當竭力守官正身率下勉勵苦節緝綏疲人冀立犬馬之誠或伸絲髮之効無任感懼之至謹附表陳謝以聞

代容州刺史謝上表

特在訖州相逢見因以見託

劉禹錫

臣某言伏奉某月日制授臣容州刺史兼御史中丞充本

路川文粹經略招封等使臣發開州日已差某官某奉表

陳謝伏以道途遐阻水陸縈紆臣以今月某日到本任上

訖謹宣聖旨慰諭遠人臣某中謝臣本書生素無吏術頃

因多幸賁自川文粹立園累沐聖慈驟居清貫識昧通變

動乖事宜慚愧集作無善狀以塞公責伏惟眷聖文武皇帝

陛下疑旒穆清洞照寰海恕臣本性朴愚賜以恩輝拔一作

於廢棄辭偏郡重鎮集作方隅捧印綬而為榮望闕庭而

增戀雖到官之始惠未及人而率下之誠務先剋已凡施

政教皆稟詔條參以土宜遂其物性可行必守有弊必除  
使集作便蠻夷生梗之風慕臣子盡忠之道力誠不足心實  
在茲伏乞聖明俯賜照集作昭鑒云云

連州刺史謝上表憲宗

前人元和十年

臣某言伏奉去三月七日制授臣使持節連州刺史恭承  
睿旨跪奉詔書皇恩重於丘山聖澤深於雨露抃舞失次  
神魂再揚臣某誠歡誠懼頓首頓首臣性本愚拙謬學文  
詞幸遇休明累登科第出身入仕並不因人德宗臨御之  
時臣忝御史陛下龍飛之日臣忝郎官恭守章程勤修職  
業權臣奏用蓋聞虛名實非曲求可以覆視跡卑易枉無  
路自明亦緣臣有微才所以嫉臣者衆競生口語廣肆加  
誣伏賴陛下至仁特從寬集作寬刑典舉以緣坐貶佐遐藩屢  
易集作變星霜頓經恩赦犬馬懷戀寢興匪寧惟讀佛經願

延聖筭

集作壽

昨蒙詔命追赴上都隨例授官俾居遠郡在

臣之分榮幸已多伏荷陛下孝理弘深皇明照燭哀臣老  
母羸疾憫臣一身零丁特降新恩移臣善郡集作得光榮

廣被母子再生凡在人臣皆感聖德凡為人子皆荷聖慈

豈惟賤臣獨蒙

集作受

思造不覺喜極至于涕零昔殷王俯

念於前禽且聞解網漢帝有哀於少女爰命罷刑方之聖  
朝不足多尚感召和氣慰安群生非臣隕越所能上報伏  
以南方厲疾多在夏中自發初集作柳州便染瘴癘扶策在  
道不敢停留即以今月十一日到州上訖謹宣聖旨以示  
遠人恭述詔條所期安復集作富庶無任感恩戀關之至

此篇元編在五百八十七卷今移此

和州刺史謝上表

前人

臣某言伏奉制書授臣使持節和州諸軍事守和州刺史

臣自理巴實不聞善政恩私忽降慶抃失容臣某中謝伏  
惟皇帝陛下丕承寶祚光闡鴻猷有漢武天人之姿稟周  
成眷哲之德發言合古舉意通神委用人動植咸悅理  
平之速從古無倫微臣何幸獲覩昌運臣業在詞學早歲  
策名德宗尚文擢爲御史出入中外歷事五朝累承恩光  
三換符竹在分憂之寄祿秩非輕而素蓄所長効用無日  
臣聞一物失所前王軫懷今逢聖朝豈患無位臣即以今  
月二十六日到所任上訖伏以地在江淮俗叅吳楚災旱  
之後綏撫誠難謹當奉宣皇風集作思慰彼黎庶久於其道  
冀使知方伏乞聖慈俯賜照集作昭鑒臣無任

蘇州刺史謝上表

前人大和元年

臣某言伏奉制書授臣蘇州刺史從郎署出領郡章承  
命若驚省躬增集作知感臣某中謝伏惟皇帝陛下受上玄

之眷佑揚列聖之耿光大康黎元慎擇牧守德音每發品  
物咸蘇臣本書生素無黨援謬以薄伎三登文科德宗皇  
帝擢爲御史在臺三載例轉省官永貞之初權臣領務遂  
奏錄用蓋聞虛名唯守職業實無朋附一作禪竟坐飛語貶  
在遐藩憲宗皇帝後知事情却授刺史凡歷外任二十餘年  
伏遇陛下應邇重光物無廢滯收拾耆舊塵忝班行旣幸  
逢時常思展効在集賢院四換星霜供進新書二千餘卷集作  
進供御書儒臣之分甘老於典墳優詔忽臨又委之符竹  
分憂誠重戀闕滋深石室之書空留筆札金閨之籍已去  
姓名本未可明申雪無路豈意聖慈弘納不隔卑微百辭  
之日特許升殿天顏咫尺臣禮兢惶不敢盡言空懷誠懇  
謝恩而出生光於九陌之間受訓而行布政於五湖之外  
臣即以今月六日到任上訖伏以水災之後物力素集作

空臣謹揚以川文粹作皇風慰彼黎庶臣聞有味之物嘉蟲  
必生有才之人讒言必至事理如此古今同途了然辨之  
唯在明聖伏惟陛下察臣此言則天下之人無不幸甚江  
海遠地孤危小臣雖雨露之恩幽遐必被而犬馬之戀親  
近為榮臣無任

汝州刺史謝上表

前人

臣某言伏奉去年七月十四日詔書授臣使持節汝州諸  
軍事守汝州刺文兼御史中丞充本州集作防禦使餘如  
故者臣久居遠服戀闕常深忽降新恩近鄉為貴承旨慶  
抃省躬慙惶臣某誠歡誠喜頓首頓首伏惟皇帝陛下垂  
衣穆清之中旁照寰瀛之內車書所及動植咸安臣昨離  
班行遠守江徼延英辭日親奉德音知臣所部災荒許臣  
到任條奏恭承眷旨宣示羣黎減其征徭頒以賑賜伏蒙

聖澤救此天災疲羸再甦幼艾同感二年連遭水潦百姓  
幸免流離交割之時戶口增長雖才術不至於事未周而  
憂勞則深為眾所悉臣本業儒素頻登文科帝命遽迴集作  
迴再領軍郡即以今月二十七日到州上訖謹當奉宣皇  
化慰撫集作蒼生臨汝海集作之波朝宗尚阻望秦城之  
日迴照何時臣無任感激屏營之至

同州刺史謝上表

前人

臣某言伏奉去年十月二十三日制書授臣使持節同州  
諸軍事守同州刺史兼御史中丞充本州防禦長春宮等  
使恩降九重榮忝三輔承旨慶抃省慙惶臣某中謝伏  
惟皇帝陛下丕承列聖光闡鴻猷氣稜掃除乾坤交泰臣  
幸逢昌運累沐殊私空荷生成之恩寧酬雨露之澤即以  
今月二日到任任集作上訖謹當奉旨安慰蒸黎伏以本州



四年已來連遭旱損閭閻凋瘵遠近共知臣頃任蘇州之年亦遭大水之後面辭之日親奉德音至於撫綏皆承聖教二年之後百姓獲安今本部災荒物力困涸忝為長吏敢不竭誠即須條流續具聞奏臣恪居官次幸接王畿不獲拜舞彤庭陳露丹慊犬馬懷戀寢興匪寧瞻魏闕之容朝天尚阻望長安之路近日為榮臣無任感激屏營之至

為道州許使君謝

令狐楚

臣某言伏奉某月日勅旨授臣道州刺史恭承榮命拜伏寵光如出井谷而見日月臣某中謝臣聞周室建侯每先親舊漢朝置守必選循良臣公才茂聞利用無取自幼及壯終艱且拙然而竭誠以許國必盡二字類表作畢力而在公一辭朝右累守郡佐不寒自慄無水而沉伏惟陛下頒帝

堯分命之典敷孝宣共理之詔方須俊乂以緝惇嫠若臣之倫何敢望此不圖恩從上降命自中出付以金印委之竹符立有光耀坐生羽翼荷天地之德戴山為輕感雨露之仁測海猶淺謹以某月日便道到州上訖誓當佩韋以勵志置水而清心酌遠俗之便宜節下人之好惡使豪奪類表斂手疲羸息肩雖不足稱陛下慎擇眷求之意其於作奢軋軋憂濟庶分萬一臣官守所限不勝疑蹈舞天庭無任

衡州刺史謝上表

穆宗

前人

元和十五年

臣某言去九月十五日於宣州伏奉某月日勅旨貶授臣使持節衡州諸軍事守衡州刺史散官勳賜如故仍馳驛發遣者嚴威成命忽降自天戰灼飛魂如臨于谷臣某中謝臣素以凡品謬登高位雖滿盈是一作戒每剖一作肺肝而怨讒所歸難防頻舌屬奉陵無狀選吏不精多偷見縉

錢一作連斃枯木擢臣之髮豈可贖罪粉臣之骨不足勝刑  
伏惟皇帝陛下德厚於乾坤明齊于日月斷自深慮遠置  
寬科降受郡符錫留命服九重殊渥再荷生成萬隕殘骸  
何由報効以今月十二日到所部上訖臣伏以君親同致  
臣子一例一作情有思於聞達理合具而奏陳今臣官忝頒  
條職非奉使謝上之外拜章無因欲隱默而不言懼中傷  
而未已何者微臣頃蒙朝獎謬列宰同誠不曾壅隔賢才  
賢才怨臣者至寡辭京之後毀臣者則多今却望朝廷更無  
庇援曲全孤賤唯託聖明特乞眷慈俯鑒哀懇庶使窮鱗  
懷躍波之望幽蟄有聞雷之期仰天垂涕伏地流汗不勝  
感恩懼罪戰慄屏營之至臣無任

為石州刺史謝上表

前人

臣某言伏奉某月日恩制一作授臣石州刺史持節石州

諸軍事謹以某月日到所部上訖祇奉一作明命伏深戰越

臣某中謝臣本賈材素無明略雖被堅執銳曾立絲髮之

功而化人成俗未知常弦之政豈意陛下錄其微效忘一作

此無能付臣以六條之法委臣以千里之地况離石古郡

洪河巨防官唯其人位不虛授內顧一作庸劣將焉克堪

誓當宣隘下之風達其堙鬱布隘下之澤潤其枯槁少助

神化微分理憂然後退歸農畝以一作避賢路臣不勝悃

款屏榮之至一作皆唐類表

文苑英華卷第五百八十六

登仕郎胡柯 鄉貢進士彭叔夏 校正

文苑英華卷第五百八十七

表三十五

藩鎮謝官四

為滎陽公桂州謝上表一首 為懷州李中丞謝上表一首

刺史謝上表十首

為滎陽公桂州謝上表

李商隱

臣某言臣奉違禁掖祗役遐陬雖懸就日之誠懼曠宣風  
 之寄柔轡載揚於永路輕舸利濟於大川即以今月九日  
 到任上訖臣某謝中臣系承儒訓生屬昌期初掛弁髦即親  
 筐篋嘉樹無忘於封殖青氈不落於寇偷再擢詞科一登冊  
 府徂遷歲律浮泛軍裝忽彰華纓俄列通籍極望即於南  
 省備給事於左曹中間憲掌臺綱分修國史旋值孽童拒  
 詔集作狂虜亂華副中憲以急宣佐維城而遙護督晉氏  
 遷延之役絕戒人偵邏之奸敢伐善以攘瑜固盡誠於養

棟集作棟

伏惟皇帝陛下武推時夏文號欽明方將虔奉紫

沉恭拜青瓊豈意遽分專席叨賜再麾首南服以稱藩控

西原而遏寇寨惟廉部猶恐墜於斯文橫槊令軍實致憂

於不武雖期竭力終懼敗官況俗雜華夷地兼縣道文身

推髡漸尉佗南越之餘叩鼓鳴鍾傳士燮交州之態網踈

則魚漏繩急則麇驚欲經緯以合宜顧常弦而匪易伏願

陛下務修儉德廣扇廉風拾翠採珠不勤異物驅犀逐集作逐

象用示深仁始於問俗之時便獲稱君之美臣亦當求規

水雍取戒脂膏冀少思於羣集作羣黎庶免拘於司敗集作

三梁路阻九嶠山集作封遙浮江遇一作過楚澤之萍望國隔番

禺之桂遐思白鳥鎮颺音於周圍之中遠羨仙萱永固本

於堯階之上無任感恩望闕結戀屏營之至

為懷州李中丞謝上表 武宗 前人

臣某言臣伏奉某月日制書授臣某官者天旨下臨星言

東驚即以今月某日到任上訖臣某中謝臣聞漢分刺舉之

條三河最重唐制郊圻之數二宅唯均况蘇公舊田懷侯

故邑太行會險德水通津在申書之間素為清地語翁張

之勢號一作實曰要區自河上致軍以幕中分理地雖密通事

異躬親伏惟仁聖文武至神大孝皇帝階下神以運機聖

而制變將鎮頑梗更務恢張由是開三壘之新規復數朝

之故事齊壇將節重加廉郡之雄皂蓋朱轡各有為州之

貴遠徵二紀間有兩人陶其以吏理當材鄭某以名家正

授清塵不遠餘烈猶存頒條之寄繼組為難若臣者品以

勲昇官由賞達徒慕益恭之美以承猶宥之恩過獎在朝

承乏充使將聖代懷柔之德率昆一作夷畏慕之心萬里

以遙三時而復副介不離於痼疾一作疾故人一作免歎於

凋零敢矜跋涉之勞自被生成之賜豈謂皇帝階下謂能  
專對遽委牧人仍其栢署之雄錫以竹符之重遂使霍氏  
固辭之第早建雙旌于公必大之門更屯五馬賢無所象  
分可自量入祖廟而歛驚瞻父堂而益懼况潞潛逆孽許  
出全師繫集作此州兵橫制賊境兼聲勢之任有資扉之  
須謹當懋舉詔書聽求人瘼思理行之第一誠愧昔賢奉  
忠孝於在三亦惟先訓苟懋素誓則有明神伏遠雲天已  
逾旬朔獻封人富壽之祝未十其時懸子牟江海之恩莫  
知其極無任感恩攀戀闕庭之至

蘇州刺史謝上表

憲宗

元錫

臣某言伏奉十一月七日恩勅授臣持節蘇州諸軍事守  
蘇州刺史以今月六日到州上訖臣績用無聞寵章非次恩  
崇郊淺任過憂深承命震惶不知所措臣某謝中伏惟睿

聖文武皇帝陛下道符乾元功配坤德盛明叅於兩曜休烈  
冠於百王覆燾羣生憂勤庶政至於牧人長吏簡在宸衷  
然後明視達聰獎勞徵過俗臻壽域該疑靡窮人是以  
列郡庶尹莫不拜於隕首以答玄造臣藝術非工吏能罕  
立累因過幸膏忝官榮所歷衢婺兩州皆屬荒殘之後侵  
漁積疑作息是朝廷法令之明飢饉不生屬年歲豐稔之運  
績無異等恩被殊私類貪天功以竊身寵况東吳繁劇首  
冠江淮自非良能豈可妄處受任踰重兢慙失圖獨不汰  
侈於法程宴安於寢食誓刻肌骨用申涓毫無任受恩慙  
懼之至

福州刺史謝上表

前人

臣某言臣才不一作過人位忽踰量跼躄無措憂慙不容  
臣某誠惶誠懼頓首頓首臣歷忝方州誠無異郊至如俗

幸不擾人懷小安是屬天時實非臣力况自永貞已求階  
下每降恤隱之澤則惇發保安發賑救之仁則厲災不起  
法令昭著姦類表邪已清時歲豐穰流庸類表自占比屋  
日用豈臣之功階下勸獎道崇葺一作綏念切採擢凡品統  
臨列城將何以表正一方肅清羣吏庶竭微力仰酬天慈  
力不足則繼之以死是臣職分所當奉行秉茲一心敢有  
貳事以今月二十八日到所部上訖謹奉表陳謝以聞

衢一作婺州刺史謝上表

前人

臣某言伏奉九月二十一日恩旨授臣衢一作婺州刺史以今  
月十八日到州上訖祇承寵光魂首飛越臣已嘗試任績  
用無聞荐沐恩私兢惶靡措臣本諸生行能罕立徒以親知  
謬舉踐履踰涯常叨省署之榮亟歷萬方之重事懷覲  
冒恩戴生成伏以浙東諸州衢一作婺為大郡累經荒儉

切在保綏憂勤所分簡求非易臣自量智力懼不勝任守  
信偷安踰年受代當此州益重實昧寵章頃屬旱災相繼  
天喪過半生聚長育理難卒平賦歛徵求物有常數自前  
年已來陛下以覆育之慈深布弔憫賑貽口食蠲復地征  
人用昭蘇氣清疵厲竊以疋夫遂性天下懷仁况江表獲安  
動踰百萬臣職當撫字倍切常情欲宣明詔條達幽隱敦  
實務本者勸之以農開明敏者進之以學奉朝廷法制守  
使府規模尅厲小心庶無大悔有渝此志敢逭明刑

宣州刺史謝上表憲宗

前人

臣某言中使王文朝至伏奉六月六日恩制授臣宣州刺  
史兼御史中丞充宣歙池等州都團練觀察處置等使以  
七月二十九日到鎮上訖臣謬承寵章顧影慙灼祇奉明  
詔撫心震驚臣某謝伏惟元和聖文神武法天應道皇帝

陛下嗣承大寶光啓中興德洽生靈道赴今古平逆亂之本建太平之階將澄化源先正理道詳授一作擇長吏撫綏疲人冀厚生成用頒教化以臣庸昧何以表率一方以臣孱微何以訓齊百姓始懼貪冒終思悔尤伏以人之性命懸在衣食衣食所繫蠶農爲先使蠶不失時農無憊候其在姦豪屏息賦役均平旣絕侵漁雖災害不困旣均物力雖貧乏亦安不困而安可成富庶臣累叨重任願效一作立微功嘗所粗知猶勉懼一作強不至況有未達豈昏愚可任竊自思惟不遑寢食一作憂至若鉛刀一割之用駑馬再馳之勤所願酬恩更期郊命旬歲無補刑章敢逃無任受恩惶恐之至

忠州刺史謝上表

白居易

臣某言臣以去年十二月二十日伏奉勅旨授臣忠州刺

史以今月二十八日到本州當日上訖殊恩收一作特獎非次

遷榮

集作昇遷

感戴驚惶殞越無地臣某誠喜誠懼頓首頓首

臣性本疎愚識惟褊狹早蒙採錄擢在翰林僅歷五年每知塵忝竟無一事上答聖明及移秩宮寮卑冗踈賤不能

周慎自取悔尤猶蒙聖慈曲賜容貸尚加祿食出佐潯陽

一志憂惶四年循省晝夜寢食未嘗敢安負霜枯葵雖思

向日委風黃葉敢望霑春豈意天慈忽加詔命特從佐郡

寵授專城喜極魂驚感深泣下方今隄蔡底定兩河乂寧

臣得爲昇平之人遭遇已極况居符竹之寄榮幸實多誓

當負刺植身履冰勵節下安凋瘵上副憂勤未死之間期

展微効跼身地遠仰首天高螻蟻之誠伏希憐察無任感

激懇款彷徨之至謹遣某官某乙奉表陳謝以聞臣某誠

惶誠恐頓首頓首謹言

元和十四年三月二十八日

杭州刺史謝上表

前人

臣某言去年七月十四日蒙恩除授杭州刺史屬汴路未  
 通取襄漢路赴任水陸七千餘里晝夜奔馳以今月一日  
 到本州當日上集有字訖外憂重寄集作上內省庸虛仰天戴  
 恩蹈集作地失次臣某誠感誠懼頓首頓首臣謬因文學  
 早忝集作班行自先朝黜官已來六年放弃逢陛下嗣位  
 之後數月徵還生歸帝鄉集作寵在郎署不踰年擢知制  
 誥未周歲正授舍人出泥登霄從骨生肉惟有一死擬將  
 報恩旋屬邊集作隅不寧朝廷多事當陛下旰食宵衣之  
 日是徵臣輸肝寫膽之時雖進獻遇衷敢集作期有補而  
 退思事理多不合且臣猶自知況在天鑒忝非土木若集作  
 履冰泉合當鼎鑊之誅尚忝藩條集作之寄才小官重恩深  
 責輕欲答生成未知死所惟當夙興夕惕焦思苦心恭守

詔條勤卹人隱集作下蘇凋瘵上副憂勤萬分之恩冀一作  
 酬一二仰天舉首望闕馳心慕藿之志徒傾螻蟻之城難  
 達達無任感恩懇集作切之至謹奉表稱謝以聞長慶二年

蘇州刺史謝上表

前人 賢曆中

臣居揚言伏奉三月四日恩制授臣使持節蘇州諸軍事  
 守蘇州刺史臣以其月二十九日發東都今月五日到州  
 當日上訖時當明盛寵在藩條祇命荷恩以感以懼臣某  
 誠謹誠率頓首頓首伏惟皇帝陛下嗣膺歷數重造寰區  
 將致昇平在先政化詢求牧守勤恤黎元實陛下慎選惟  
 良之秋責成共理之日也臣以微陋早忝班行前自中書  
 舍舍人出為杭州刺史苟集作免敗闕實無政能已蒙寵  
 榮入改宮相今奉恩寄又分郡符棨飾具載於詔中慶幸  
 實生於望外况當今國用多出江南江南諸州蘇最為大



兵數不少稅額至多土雖沃而尚勞人徒庶而未富宜擇循良之吏委以撫綏豈臣瑣劣之才合當任使然既奉成命敢不誓心必擬夕惕夙興焦心苦節惟詔條是守惟人瘼是求論陛下憂勤之心布陛下慈和之澤則亭育之下疲人自當感恩而歲時之間微臣或希報政塵黷皇鑒吐露赤誠寵至空驚恩深未答無任慚惶懇激之至謹差軍事散將某乙奉表陳謝以聞臣誠惶誠恐頓首頓首謹言

連州刺史謝上表

劉禹錫

此篇合入五百八十六卷今已移入姑存其目

同州刺史謝上表

元稹

臣稹言伏奉今月三日制書授臣使持節同州諸軍事守同州刺史兼本州防禦使臣罪重責輕憂惶失據慮為臺府迫逐不敢徘徊闕庭便自朝堂匍匐進發謹以今月六

集作九

日到州上

訖臣稹辜負聖朝

唐書作明

辱累恩榮便合自求

死所豈謂

集作且

尚忝官榮臣稹誠恐誠慙死罪死罪臣八

歲喪父家貧無業母兄乞丐以供資養衣不布體食不充

腸幼學之年不蒙師訓因感隣里兒稚有父兄為開學校

涕咽發憤願知詩書慈母哀臣親為教授年十有五得明

經出身由

集作自

是苦心為文夙夜強學年二十四登吏部

乙科授校書郎年二十八蒙制舉首選授左拾遺始自為

學至於外朝無朋友為臣吹噓無親黨唐書作戚為臣援庇莫

非苦已實不因人獨立性成

集作成性

遂無交結任拾遺日屢

陳時政蒙先皇帝召對

集作召問於唐書作問於唐

延英旋為宰相所憎

貶唐書作出臣河南縣尉及為監察御史又不敢規避專心糾

繩復為宰相怒臣不庇親黨因以他事貶臣江陵判司廢

弃十年分死溝瀆元和十四年憲宗皇帝開釋有罪始授

臣膳部員外郎與臣同省署者多是臣初登朝時舉人任  
卿相者半是臣同諫院時拾遺補闕愚臣既不能低心曲  
就流輩亦以此望風怒臣不料陛下天聽過卑知臣薄藝  
朱書授臣制誥延英召臣賜緋宰相惡臣不出其門由是  
百方集作侵毀陛下察臣無罪寵榮逾深召臣面授舍人  
遣充承旨翰林學士金章紫服光飾陋軀人生之榮臣亦  
至矣然臣益遭誹謗日夜憂危惟陛下聖鑒照唐昭臨彌  
加保任竟排羣議擢授集作備集作台司臣忝有肺肝豈並尋常  
宰相况當行營退散之後牛元翼未出之間每聞陛下軫  
念之言愚集作微集作臣恨不身先士卒所以問于方計策遣王  
友明等解救深州蓋欲上副聖情豈是別懷他意不料姦  
人疑臣殺害裴度妄有告論塵黷聖聰媿羞天地臣本待  
辯明亦集作未集作了便擬殺身謝責豈料聖慈尚加集作在集作薄貶

同州雖違咫尺之顏不遠郊畿之境伏料必是宸衷獨斷  
乞臣此官若遣他人商量不可與臣遠處方集作藩集作鎮豈有  
集作肯集作遣臣俯近闕庭臣所恨今月三日尚蒙召對延英此  
時不解泣血仰辭天顏便唐書至今日竄逐臣自離京國  
日斷魂銷每至五更朝謁之時臣實制淚不得已臣若國  
生未死他時萬一歸還不敢更望得見天顏但得再聞京  
城鍾鼓之音臣雖黃土覆面無恨九泉集作原集作臣某無任自  
恨自悲集作慙集作攀戀聖慈之至然臣一日未死亦合有所陳  
論或聞党項小有動搖臣今謹具手疏陳奏伏望恕臣死  
罪特留聖覽今集作臣集作此表並臣手疏並望集作請集作留中不出  
謹差知衙官試殿中監馬弘直奉表謝罪以聞

黃州刺史謝上表文宗  
杜牧

臣某言臣伏奉某月某日勅旨自某官授臣黃州刺史以

某月日到任上訖臣某誠惶誠恐頓首頓首臣自出身已  
來任職使府雖有官業不親治唐諱人及登朝四任皆叅臺  
閣優游無事止奉朝謁今者蒙恩擢授刺史專斷刑罰施  
行詔條政之善惡惟臣所繫素不更練兼之愚昧集作一  
自到任憂惕不勝動作舉止唯恐罪悔伏以黃州在大江  
之側北集作雲夢澤南古有夷風今盡華俗戶不滿二萬稅  
錢纔二萬貫風俗謹朴法令明具久無水旱疾疫人業不  
耗謹奉貢賦不爲罪惡臣雖不肖亦能守之然臣觀東漢  
光武明帝稱爲明主不信任集作德教專任刑名二主相繼  
聯五十年當時以深刻刺舉號爲稱職治唐諱古之風廢俗  
吏之課高於此時循吏衛颯任延王景魯恭劉寬陳寵之  
徒止一縣宰獨能不徇時俗自行教化惟德是務愛人如  
子廢鞭笞責削之文用忠恕撫字之道百里之內勃生古

風凡違衆背時徇古非今王者公侯尚難其事其一縣宰  
能移其俗此蓋人爲治唐諱古之人法爲一時之法以治  
古之教教之即治古之人以一時之法齊之即一時之人  
正國家自有天下已來二百三十餘年間專用仁恕每後  
刑罰是以內艱外難作者相繼土地甲兵權柄號令盡非  
我有終能擒之此實恩澤慈愛入人骨髓俗厚風古不可  
動搖今自陛下即位已來重罪不殺小過不問普天之下  
蠻貊之邦有罹艱凶一皆存卹聖明眷哲廣大慈恕遠僻  
隱阨無不歡戴受十四聖之生育張二百四十年之基宇  
臣於此際爲吏長人敢不遵行國風彰揚至化小大之獄  
必以情恕孤獨鰥寡必躬問撫庶使一州之人知上有仁  
聖天子所遣刺史不爲虛受莖其和氣感其歡心庶爲瑞  
爲祥爲嘏爲詠以裨盛業流乎無窮在臣心之則然豈材

術之能及無任感激悃懇血誠之至

文苑英華卷第五百八十七

登仕郎胡柯 鄉貢進士彭叔夏 校正

文苑英華卷第五百八十八

表三十六

公卿雜謝一

公卿雜謝表三卷英華所編失年代先後今正之

為武御謝官表一首

謝尚方監表一首

謝加授通議大夫表一首

為崔日知謝洛州長史表一首

代侯仲庄謝封表一首

謝兄除補闕表一首

為王仲昇謝加兵馬使表一首

謝除考功郎中知制誥表一首

謝賜緋表一首

謝加銀青光祿大夫表一首

代路冀公謝旌節等表一首

謝銀青光祿大夫河內郡開國公第二表一首

謝加正議大夫表一首

謝舒刺史兼加朝散大夫表一首

謝加司封郎中賜紫表一首

代閩中丞謝銀青光祿大夫表一首

為李希烈謝留後表一首

為武奉御謝官奉

武后

陳子昂

臣某言伏奉某月日詔書以臣爲尚食奉御蕭恭休命祇  
拜寵章榮慶既崇慙荷交集臣某謝中臣才虧琢集作玉學  
味羸金徒以席一作籍寵蕪茅容光日月叨承雲渥既曠天  
工而榮更恩覃集作位非德舉無階而進坐致於青霄有  
慶方來載光於朱紱臣聞瑤庭任切猶稱六尚之榮玉食  
禮尊實惣八珍之貴臣術慙緣鶴業匪秦龍將何致美瓊  
芳式和金鼎鴻私曲被殊寵降臨天命既不可違聖恩允  
宜祇戴循涯揣分實所非宜集作

謝尚方監表

武后

鄭國忠

垂拱元年

臣某言伏奉制書以臣爲尚方監忽承鴻需遽辱崇章澤  
甚涌泉懼深沾谷臣材乖遠大識謝一作味淹通曾微汗馬  
之勞非有成鱗之業欣逢獻曆謬踐清階自邇陟遐從幽  
至顯題輿外郡多慙展驥之能縮墨中京久之栖鸞之譽

一作雖韋弦自勗而寬猛猶昧空慙尸素罕聞政績幸以聖  
德動天而神山發地踴竒峯而槩日披秀嶸以干雲虔惟  
造化之靈以告休明之慶帝之力也臣何預焉乾獎曲臨  
聖恩橫被俄輟一同之務坐遷二府之班秩亞括河榮兼  
稅澤一作顧茲疎謏何以克堪伏願七景停輝五潢收潤矜容  
薄淺更採英髦則上不汨於朝彛下無招於官謗無任控  
款之至

謝加授通議大夫表

武后

李嶠

臣嶠言伏奉恩制加臣通議大夫守成均祭酒兼檢校文  
昌左丞餘如故榮過望表慶溢身涯荷寵祇恩蹈冰臨谷  
臣嶠中謝臣鷲雀之羽多謝於飛翻蟬之衣久慙於忝  
竊屬秦人望幸虞帝卜征萬騎時巡不陪遊於渭北四關  
留鎮獨延款於周南劬勞異羈勒之臣寵渥均廟堂之士

燕溪弱黍分隔於陽和楚塞輕茅遂承於雨露仰平分而  
載躍撫留滯而成歡惠重丘山徒深於抃舞身輕糞壤豈  
議於答酬無任喜戴慙惶之至謹附其官某奉表陳謝以聞

為崔日知謝洛州長史

新舊唐書依  
司馬恐非

表春宗

崔沔

景云

臣某言伏奉某月日制書除臣洛州長史勳封如故伏荷  
殊私祇承重任屏營夕惕無以自寧臣某中謝臣實凡材素  
無遠量書生問道未探經術之精俗吏隨班僅見章程之  
末官資命達榮與時來謬齒周行悞升官秩挈瓶乏智守  
職何功盈缶之誠蹈常斯在冀免罪戾以紓微生仍賜寵  
章胡寧始望服忝三命階踰九列子孫蒙澤宗黨被恩榮  
遇既深殞越奚咎豈雨露之潤沐浴無涯而日月之明昭  
晰不已更承中旨作尹下都王城嚴門洛師殷雜寔四海  
之朝市據三河之樞要鎮俗移一作風方資舊德剽繁理

劇必藉良能臣亦何人濫膺斯授如觀激澗未測淺深若  
負蓬萊無任施重云云

代侯仲庄謝封表肅宗

邵說

臣某言伏奉某月日制授太子詹事兼封上谷郡王祇奉  
榮命以慚以揚臣聞論德而建封者聖王之事也量功而  
受賞者忠臣之義也封或謬建則王綱斯紊賞或虛受則  
臣體以乖聞之古先敢忘之羅誠伏惟皇帝陛下大聖繼  
統神武經邦道邁纂堯功高復禹頃幽燕肆逆汾澮阻兵  
朝義叛換於前懷恩旅拒於後陛下宸謨獨斷眷略潛行  
曾未三年克平二豎此蓋皇穹保佑宗社降靈豈臣愚蒙  
敢叨封爵假使進能排難退克全軍為臣之節固當若是  
以茲干賞實為包羞昔漢祖杖義而西滅秦項韓彭諸將  
異姓同封然而德薄位崇卒見傾覆以臣智略敢方先賢

苟或受之其能自保力微任重福過災生俛仰增憂心魂若厲乞停嚴令俯遂私情儻聖澤旁流天光曲照俾從敵秩得盡周行臣之至願死將不朽無任懇迫之至

謝兄除補闕表 肅宗

五百九十一卷謝親屬加官門有此題而闕其表今已移入姑存其目

為王仲昇謝加兵馬使表 代宗

臣某言伏奉今日日制書授臣元帥在廂兵馬使兼知滑州兵馬使恭承寵命祇懼兼深臣某謝臣聞至理之代為官擇人故能謨謀有成授惟允若才不稱職任非其能冒進求榮必貽禍敗伏惟寶應元聖文武皇帝陛下道齊睿誓德邁徇齊惟新景命再造區宇微臣薄劣早荷恩私慙無樽俎之謀一作累忝腹心之寄擁旄仗鉞自北徂南未剪兇渠已嗟挫一作忍守節雖同於蘇武喪師有類於孟明議

以刑章分釐粉陛下察其本志念臣微忠特全腰領載加驅策位兼風憲職典禁兵撫已循涯實為塵忝每思陳力之誠竊懼妨賢之責不謂更沐殊恩猥當重任佐皇太子元戎之律統王畿禦侮之權內省凡庸必多敗事乞停新命別授時英則朝章式序軍政無任謝云云

謝除考功郎中知制誥表

常袞 實應二年

臣袞言伏奉去年十二月二十六日恩制授臣考功郎中餘如故詔書降辱類表作猥特榮新命祇荷殊造若無所

容臣袞誠惶誠恐頓首頓首臣本諸生素虧令望憑藉儒業遭逢聖時類表作朝幸從彛序累踐清秩得以文墨侍於軒

墀五字非工四年待罪禁垣之右朝奉如綸宸扆之前夜參視草以地尤密惟才必精在臣無堪忝跡斯甚食浮之議所責何逃類表作於陛下弘獎文儒優容待從恕其職事

之闕錄以歲時之深爰錫朝章俾遷即位典掌如舊寵榮  
有加翱翔雲霄沐浴雨露俯伏奉賜心靈若飛効薄恩崇  
周知攸措何以上報期於死節無任感戴屏營之至

謝賜緋表 代宗

常袞

臣袞言今日內給事潘副宗奉宣勅旨賜緋衣一副并魚  
袋玉帶牙笏等寵自天來恩加望外顧已何幸循涯若驚  
臣袞謝臣學愧聚螢才非倚馬典墳未博謬陳良史之官  
詞翰不工叨辱侍臣之列唯知待罪敢望殊私銀章雪明  
朱紱霞映魚須在手虹玉璣膏祇奉寵榮頓忘兢惕蟬蛸之  
羽恐刺國風螻蟻之誠難酬天造捧戴無力兢惶在心無  
任感荷屏營之至謹奉表 陳謝以聞

謝加銀青光祿大夫表 代宗

韋元甫 代宗

臣某言伏奉去年月日制特加銀青光祿大夫跪奉詔書

震驚心腑恩深益懼喜極成悲臣某 中謝 臣肆業儒門出  
身聖代始服勤於州縣遂竊位於臺省每自兢惕常憂滿  
盈一從効官二十餘載不敢受鍾釜之祿不敢叙節級之  
階中朝舊人或所知悉非唯懼速訕一作 謗實亦有畏神  
明屬頃歲姦冗亂常中原多故聖皇委臣以武關方城之  
任賜以章服監護七軍先帝委臣以荆南江西之寄特加  
朝散廉察兩道今陛下又錄臣駑駘薄効超授銀青三朝  
荷榮百生何報仰天跼地自省無能撫本循涯罔知攸措  
便當門施祭戰綬縮銀黃車服有加子孫蒙福禽鳥飛動  
不知天地之功草木芬華空滋雨露之澤誓將輕命上答  
生成冀効涓埃以裨萬一

代路冀公謝旌節等表 代宗

王緯 大曆八年

臣嗣恭言某月日中使至伏奉勅書并賜臣冬衣一副李



獻誠至奉宣聖旨重賜臣勅書一通并嶺南旌節及告身殊恩荐至列郡先生旌旄自天介冑增氣榮加慶外感在懼中臣其中謝臣幸承明命出鎮楚忽奉除書兼摠閩徼捧彩綵而親承眷旨受命服而遠荷聖慈仰戴俯慙以歡為懼况臣名膺上將識昧中權豹韜無聞龍節見授但欲仗於百越震閩外之雷霆亦示

三軍壯轅門之

輦鼓先生澤國榮觀江城所限荒服猶虞且有後命長安更遠未賜前期望丹闕而心魂共驚負鴻恩而灰粉何答不勝感激荷戴之至

謝銀青光祿大夫河內郡開國公第二表

代宗蒙哀大曆十三年

臣某言內侍喬獻德至奉示答臣所讓新授階封德音宜即斷來表者臣自沐恩私不遑寢息所以上冒宸扆頓首拜章瀝懇於宴賜之辰披誠於對別之次累煩眷覽下執

愚衷竊以榮級清階本因馭貴分茅錫土必在報功冀達舊章非勤飾讓今天書再及嚴旨不移受詔兢惶撫躬震越伏自思念戰汗交馳恐負聖眷之慈當類表亦表審微臣之分何者謬升非次既叅二府之榮縱避今恩不減四方之責唯當勉申駑蹇叅守紀綱苟塵露之可裨雖灰壤而無恨重承嚴命不敢固辭此生甚微厚施何答無任惶懼感荷類表作慚之至謹奉表陳謝以聞臣某誠惶誠恐頓首頓首謹言

謝加正議大夫表

蘇冕

臣某言伏奉今日日制書以臣職理粗進加正議大夫朝命遠臨天慈曲被感戴殊造震驚失圖臣其中謝臣出自書生謬分旌鉞拙直無援孤真少徒雖封域人安恭憑理化而洎塵靡効實懼素餐屬瘡癘為災私門多豐媿無烈

士之死志而有犬馬之貪生輒狀表章陳乞骸骨遇陛下  
寬一戮之責起將廢之魂因請退之誠進增秩之典宸光  
獨照枯朽頓榮况堯舜在上蒸人自理日月既出燭火何  
功加以無左右之容無龔黃之政猥蒙天地之德載於金  
玉之音是則陛下切思理之心以風海內而臣受分憂之  
寄謬竊寵榮成命已行不敢固讓受恩益厚期於殺身無  
任感戴屏營之至

謝舒州刺史兼加朝散大夫表

代宗

獨孤及

臣及言臣伏奉七月十八日勅加臣朝散大夫使持節舒  
州諸軍事守舒州刺史充當州團練守捉使兼知淮南岸  
當界緣江賊盜臣典濠州無政可紀人幸不擾時和所致  
流者稍復年登之力臣敢貪此以為已能陛下過聽驟降  
殊私集作既增之秩又命以服無德受賞集作幸孰甚焉

仰戴皇渥

賴表作澤

且榮且懼今以九月二十七日到州上訖

州經積年寇盜瘡痍之後百姓流浪

集作

十不一存臣已

奉宣聖慈與之休息勞來鰥寡寬

集作薄

其僮賦以是集作是

招携亡者撫柔存者庶經秋之後或致

集作頗或

安集非日能

爾冀竭力焉臣無任感戴之至謹奉表陳謝以聞

謝加司封郎中賜紫表

代宗

前人

臣及言臣伏奉三月一日勅加臣檢校司封郎中使持節

舒州諸軍事兼舒州刺史充當州團練守捉使仍知淮南

岸當界沿江賊盜賜紫金魚袋殊榮厚渥驟鍾臣身且喜

且驚

集作駭

以媿以懼臣聞堯舜建官三考黜陟漢代二千

石以循良稱者於是有重書勞勉增秩賜金之制臣到官

始半歲職事未有所補見在戶口纔肯地着其中鰥寡疲

弱不能自存者十猶六七徵遣征賦未嘗及期此臣政不

建力不任之効獲有罪戾幸固深矣豈謂皇恩驟降復以  
古典命臣加位受服寵過臣量伏讀詔書懼孰大焉此用  
古荆舒之地詩人懲其剽輕復當賊寇處劉比屋流亡之  
後其人心已難安易動况加徭役稅歛日不獲已緩之則  
驕急之則散輯柔底綏之道尤非愚臣所及伏當宣風集  
伏恩勉勵力安斯人省事以慰其愁示信以杜其爭亦冀  
俗稍務本人漸足食使貢賦之入歲增月長三歲大比以  
版圖歸於有司犬馬之心敢有貳事臣無任感戴之至

代閩中丞謝銀青光祿大夫表

羊士諤

臣某言今日日吏部符下奉恩制加臣銀青光祿大夫朝  
命遠臨殊私典被喜躍無措感懼惟深臣某謝中臣謬忝方  
隅實淹歲序幸逢昌運得備職官昨者累狀封章輒有陳  
乞敢希獎進虛荷恩榮而陛下不思天功爲臣已力詔曰

二千石便安吾人理有異等則就行賞典不繫年序夫人  
神休泰自感陶鈞封域人安是恭理化雖云六稔無禪三  
載之文况當退思乃叨進秩之典濫憑微績陟在綸言超  
踐清階猥登明勸榮深載造光被生華匪臣孱愚所宜忝  
竊唯奉宣時令敬尊農祥保率土之康寧贊遠黎之生植  
而丘山施重螻蟻効輕上報無階稽首知懼無任感戴屏  
營之至

爲李希烈謝留後表

代宗

韓翃

大曆十  
四年

臣某言中使梁某至伏奉今日日制書授臣使持節蔡州  
刺史兼御史中丞充淮西節度觀察度支營田等使留後  
特達眷恩殊常寵寄權兼專席榮重褰帷稠疊聖慈心魂  
戰越臣某謝中臣少小孤遺又無藝術叔父忠臣勗勵以成  
人自屬艱難親承任使備衙門之將惣帳下之兵耳目腹心

臣當職分毫釐絲髮臣合知委而依阿從事曖昧居心群  
小用權臣不能規諫三軍潛怨臣不能警覺蒼黃之際遂  
成禍階十起之恩低徊未報一朝之難逼迫見留白刃交  
前脫身無路謝安內舉竊効驅馳踈廣告歸獨乖隨從在  
臣情地何以自容雖早殄仇讎繞雪家怨而自慙面目有  
負國恩豈謂降以殊私副慈重鎮上承朱印之令下奉玉  
帳之謨權副九州地方千里在臣微眇難繼威聲豈臣竊  
賣舊勳謬膺殊澤撫心泣血何地自容特望聖恩察臣微  
懇選朝廷舊德副節度重權許臣歸骨關西死且不朽

文苑英華卷第五百八十八

登仕郎胡柯鄉貢進士彭叔夏校正

文苑英華卷第五百八十九

表三十七

公卿雜謝二

為河東副元帥馬司徒謝實封表一首

為桂府王中丞謝加朝議大夫表一首

為太原鄭尚書謝賜旌節等表一首

為太原李少尹謝上表一首 謝兵馬使朱鄭等官表一首

為昭義王大夫謝賜改名表一首

謝賜光宅坊宅表一首 謝授右拾遺表一首

代李僕射謝加營使表首 謝太常卿并舉官自代表一首

謝再除太常卿充禮儀使表一首

東都留守謝上表一首 謝除太常卿表一首

代李中丞謝官表一首 謝貸錢物表一首

蘇州謝恩賜加章服表一首

為河東副元帥馬司徒謝實封表

德宗

崔元翰

貞元元年

臣燧言某月日使某乙至伏奉手詔復以收河中功賜臣實封五百戶通前為七百戶功微賞重恩積生輕報効何階祇懼惟甚臣某誠惶誠恐頓首臣頃奉詔與諸道同討逆賊上稟類表謨作謀表算克致誅夷越升類表超授作作官榮真食戶邑且有後命再荷殊私伏以聖德結於人心皇威加於物表將帥克宣其力凶逆盡一作伏其辜此皆國之福也至若分閫作藩秉旄仗節扞禦患難剪掃寇讎此固臣之職也幸無獲戾何以為功爵秩既崇封賞又重絲髮未効涓塵莫施雖復捐軀豈能上答無任感荷懼之至

為桂府王中丞謝加朝議大夫表

令狐楚

臣某言伏奉某月日恩旨南郊禮畢進加臣朝議大夫拜受嚴命感惕交集臣某中謝中臣泗濱諸生塞上從事被蒙恩

澤蔭列才俊戴高履厚實有恩焉乃建子月伏惟皇帝陛下殷薦祖宗嚴禋天地而限從外役不侍中禁有望雲就日之戀無給薪除地文今勞者爵賞遠加寵榮俯及拾綴以上早忝諸侯之秩歷階而升又廁大夫之品峨峨象笏粲粲銀章自揆何人敢安非據伏以神光類表既擁王澤已流難申牢讓之心空秉益恭之禮無任慶幸屏營之至

為太原鄭尚書謝賜旌節等表

前人

臣某言今月七日中使尹偕至伏奉勅書手詔慰喻一作臣及將士叅佐等并賜臣官告旌節寵命併臨榮光疊至欽承捧受感惕難勝臣某中謝中臣昔為諸一作書一作生所冀微祿揣摩鉛鈍際會清平伏惟皇帝陛下至德配天大一作文一作明並日朝有多士國無幸人若臣庸虛何足比數階緣所職被服殊私居郎吏之中已為饜竊立戎旃之下安所堪

任前奉詔書除臣節度託肺腸而三省覺魂魄之九飛懇  
款未申恩光荐至一作及使從天下拜迎而萬姓一作衆懽呼王

在日中照臨而一方安泰編綸言於寶軸揮宸翰於綵牋既

賜諸侯之旌又降將軍之節委之刑賞許以便宜臣實何

人忽蒙斯寵重如山壓薰若火炎無以為容不知自處謹

以今日準勅拜受訖臣伏以旌旌進善節以詰姦昔常傳

聞今即一作則祗受度才非將雖天地一作下所知稟令於君

豈風塵敢犯誓當保安四境和叶三軍灑帝一作王澤於州

闕振皇威於邊境一作微難酬天造庶竭臣心所守有限不

獲陳謝無任感戴抃躍之至一作皆唐類表

為太原李少尹謝上表

前人

臣某言伏奉恩旨授臣太原少尹兼御史中丞充河東節  
度使行軍司馬祗承榮命以感以懼臣某中謝臣器質凡下

行能無取父母生之陛下知之頃陷官謗會從吏議伏賴

陛下聖明乃得全活既而肩隨多士掌領孤兒警夜巡晝

庶將終老跼天踏地誓不違遠豈意陛下不量臣之能否

拔自近侍貳於大藩且御史丞執憲之任府少尹理民之

官也軍司馬握兵之職也皆須率其屬以贊其長必國之

良猶懼不稱況於疲病安所堪任此臣所以行思坐念常

恐失墜以某月日到府上訖伏以太原建國興王大都曉

囂五氏合杏萬室動見指視甚難為理唯稟謨猷於廊廟

同心力獎幕府勤以臨事清而處身至若上分乃眷之憂

下塞具瞻之望雖欲自勵終非所能離去殿階已彌旬月

攀望不及腸迴目斷無任云云理民唐諱

謝兵馬使朱鄭等官表德宗劉禹錫

臣某言奏事韋溫迴特蒙聖恩重賜朱鄭等官告震象昭

回煥然下燭榮分右職光賁遐藩臣某謝中臣伏以朱鄭朴忠為心沉毅見色當建封禦侮之寄見張悛建封子也提孩之年昨者隸職徐州分鎮蘄縣英華作驛非騷之際梗亮彌彰歷險而前寔繁其旅詳探本末有足褒稱輒具奏聞恐須獎勸伏蒙睿鑒俯亮微誠優詔先行已階直指之日殊私荐至超昇獨坐之崇戶領三千爵喻五等恩生非次感異常倫轅門有光武旅增氣遂使感激之士希勇爵以捐軀猖狂之徒聆聖澤而俊性風行草偃其勢必然臣忝惣戎倍百欣荷臣無任云云

為昭義王大夫謝改名表

崔行先

臣某言中使第五守進至伏奉今日制命授臣關府儀同三司潞州大都督府司馬知府事充昭義軍節度營田澤路邢洺等州觀察留後兼賜名虔休雨露湛恩光臨非

次蚘蛄眇質負戴難勝臣某

謝中臣出

一身

自行間器識粗淺理

兵從衆問陣無師一心守愚六藝皆闕自謂才無經濟智乏周防吐誠託人損已待物每日揣分有時撫膺徒生於此何以報主得免獲戾已足為榮敢求聞達妄進階級豈意陛下顛元合德日月在躬夔開獨見之明特降發哀之詔拔自泥滓致于煙霄臣之榮幸孰與為比伏以虔休之義恭諮有章簡自帝心納于臣口自一作訟增感以榮為憂魄散心殞罔知所措况名器所慎春秋格言服之不稱詩人是刺雖欲勿議誰能捨諸曩日劉玄佐之領浚郊李元諒之居關輔皆勲崇台揆業濟艱難方開加等之恩始受賜名之寵臣何為者坐繼前人三省駑鉛未展洎埃之効百身灰粉何酬天地之恩

謝賜光宅坊宅表

德宗

李揆

臣某言中使某至奉宣聖旨知臣無宅以先宅坊去內最近賜臣宅一區寵渥特臨喜懼交集臣某謝臣自惟固陋謬忝恩私陛下收其瓌材擢以審職司言北闕已揮翰於紫垣秩禮南宮復影纓於丹地故得迴翔三省出入九重此皆稟自宸衷不因人譽毛髮之內曾未報於生成雨露之恩猥有加於疵賤頃以寓居失火事忽聞天慈親垂恤問環堵之業雖有虧於曾經賜宅之人疑作仁遂承榮於漢詔況王人啓戶大厦當衢顧螻蟻而知慙迎鸞雀而相賀古制宮闈近地公卿不居唯信臣密戚時聞詔賜所謂北闕甲第者蓋由遠近差之今宅在廟圖地近一作隣天不遠於咫尺捧日如奮於雲霄仰惟明主之恩實私微臣之幸銜恩撫已尤懷戰跼誓當竭忠盡節鏤骨銘肌豈捉足而獲安誓捐軀以爲報無任

謝授右

集作左下同

捨遺表

德宗

呂溫貞元十年

臣某言伏奉制命擢

集作授

臣右捨遺又中使毛進朝至宅

奉宣進旨

集作止

賜臣本官官告

集作告身

者澤濡窮鱗雷起幽

蟄塵忝近侍冠軼常倫震驚失圖兢跼罔據臣某中謝臣

嘗學舊史承訓先臣皆以奉上自致爲榮附下苟進爲耻

臣所以旣孤之後義不因依

集作依人

賣洛中之

集無此字

薄田歸

闕下之

集無此字

舊宅退藏其跡私誓于心不邀利於權門不

求名於衆口重霜苦節夙夜精誠唯願投軀盛時自結明

主愚

集作至

誠神感人欲天從果蒙陛下自記姓名猥憐孤

直振零丁於絕望拔暖昧於無階獨斷皇明超至

集作真

清

列俯降中貴內賜官告特違恒例光寵賤臣俾其不出戶

庭坐生羽翼萬乘知己一鳴驚人公朝得盡節之方私室

無謝之恩處顧惟凡陋

集作讚

叨此殊尤纏激血誠銘鏤膚



骨採拔思重泥塗感深畢性命以為期裂肝膽而何述唯  
當竭誠陳力効節明忠使丹心有孚白首無玷集作然後  
敢望披雲捧日一識天顏則闔門之灰粉知歸百生之志  
願斯畢臣家雖在城多適田野久廢簪笏皆須營備不獲  
當時隨例拜謝闕庭

代李僕射謝加營田使表

崔位

臣某言伏奉某月日勅以臣兼充當道營田使者捧受絲  
綸載驚載躍臣某中謝臣幸忝宗室沐浴恩波性唯直方  
官絕依倚凡忝任用皆自宸衷常思殺身以答鴻造所至  
之職勵精苦節苟可利人利國誠願悉力悉心況西戎狡  
謀有備無患東都要害居安慮危俱屯偃革之師豈可不  
耕而食臣是以諭臨邊將士首建屯田董所部軍人力開  
荒壤近為水旱之蓄遠咸飛輓之勞臣之用心素切於此

又背

一作軍

營衣賜夕費度支百方圓融三分全給在臣守

土固合分憂此皆塵露至微豈於山海云益陛下曲垂天  
獎正以使名榮光荐加荷懼惟厲但當撫字緜寡訓練親  
貅克宣皇風砥靖藩鎮庶申萬一少報生成臣所守有限  
不獲奔赴闕庭拜舞丹墀無任感恩殞越之至

謝太常卿并舉官自代表

德表 高郢

臣郢竊伏奉今月二十七一作二日勅除臣太常卿曲降殊  
私猥被凡器非才荷寵聞命自驚臣聞太常者舜臣秩宗  
之任周室春官之職其所典者禮樂所奉者郊祠故班冠類表

作官

九棘選重歷代臣學識凡近遭逢聖明管庫無遺久

塵貢士之列疲駑不逮嘗獻避賢之疏特蒙天鑒俯及容  
光煦嫗之仁未允前請而既幸綢繆之寵沐今授而增  
忝將何以欽承眷獎備舉官司顧慙匪服之嗤上累能官

之謗類表恩深命淺報効無階伏準建中元年正月五日  
制常叅官授訖上表讓一人自代者臣竊見銀青光祿大  
夫守太子賓客上柱國鄭縣開國公杜黃裳識度深遠志  
業忠厚達於大體練於故實群而不黨和而不流與臣同  
在周行臣頗知其優裕伏請準制舉以自代臣郢無任感  
戴欣暢之至

謝再除太常卿充禮儀使表憲宗

前人

臣郢言伏奉今月二十一日恩命除臣太常卿充禮儀使  
者累歲守藩每馳心於魏闕一朝聞命得備位於周行上  
慙叨一作忝之深下慰遠離之思臣某謝中臣聞秩宗之任  
典司三禮奉常之選班列九卿前古已來用人為重非有  
望實不宜謬居臣昔叨此官已積負乘之懼今復再歷倍  
增濡翼之憂况專職禮儀別蒙委遇明時大禮方奉郊禋

末學謏聞何徵損益飲冰斯功俟駕靡一作追螻蟻之微  
無階報國犬馬之戀但一作喜歸朝臣不勝感戴欣懼之  
至一作皆唐類表

東都留守謝上表憲宗

權德輿

臣某言伏奉今月三日制命授臣檢校吏部尚書兼御史  
大夫充東都留守判東都尚書省事以今月二十四日至  
東都上訖榮渥特加寵光備至俯仰印綬慙懼交懷臣某  
中臣才不出衆祿期代耕因緣文字進越名級自聖明臨  
馭特沐鴻私歷五曹之貳居九卿之長遂叨大任忽涉四  
年智慮孱愚言詞朴訥徒淹歲月莫展涓埃雖竭匪躬之  
誠竟乖陳力之効自免樞務猶忝春官纔經半歲復授今  
任前後所歷皆不因人無非眷獎以至崇大况留集守  
所寄東夏式瞻在君陳畢公之選兼天官憲府之重面辭

之日親奉聖暮式過匪人整訓戎事用制竊發必資兼材  
豈臣懦弱所宜負荷今兵力至微武備不足此皆天鑒所  
察臣不敢累黷聰明杜其姦情亦在早計必冀磨礪鉛鈍  
整竭肝心忠以事君死而後已違離宸睭感戀闕庭以陞  
下注意之恩誓微臣捐軀之節無任荷戴屏營之至謹差  
押衙試殿中監成黨奉表以聞臣某誠惶誠恐頓首頓首  
謹言元和八年七月十四日

謝除太常卿表

前人元和十年

臣某言伏奉十月二十四日詔命除臣太常卿統和神人  
典司禮樂臣實庸菲謬叨寵榮臣某誠惶誠恐頓首頓首  
臣以書生凡革懦弱無堪生偶昌期累膺爵秩四掌誥命  
吾居列曹遂叨禮卿乃佩相印竟無微効上荅皇明自罷  
宰司再履宗伯旋忝保釐之任屬當憂寄之時淮甸多虞

周郊接壤上勞聖慮下輯戎師臣不敢愛身不敢避事頓  
抗手疏備陳物宜猶集作披肺肝莫識忌諱自承詔旨許  
募新軍實使懦夫增氣輒思仁者有勇繕脩器甲招集驍  
雄每竭一心敢有貳事陛下憂臣不逮全度特深出於殊  
私遠降新命沐浴皇澤從容大僚量力無庸死身何幸况  
太常者伯夷叔孫通之職臣豈集作其人五六年間再居  
此地感恩知懼循分難任即以今月三日進發瞻望闕庭  
踊躍欣抃謹奉表陳謝以聞無任感戴懼之至臣某誠惶  
誠恐頓首頓首謹言

代李中丞謝官表

元稹

臣某言伏奉今月二十九日勅集作授臣御史中丞寵秩  
逾涯心魂戰越臣某謝臣生值聖時蔭分天屬雖牽絲入  
仕或因瑣碎之文而執簡當朝實猶睦族而致頃以材駑

氣直屢弃遐荒陛下擢自藩方集作遠藩任兼臺閣夙夜循省  
報効無階豈謂天眷曲臨過蒙獎擢集作拔坐令專席位忝  
中司因期集作同當陳乞於天安敢叨榮於已如或綸言既降  
丹慙莫從則當破柱求奸碎首請事死而後已義不苟然  
增日月之末光荅天地之殊造無任懇款屏營之至

謝貸錢物表

劉禹錫

臣某言中使南宮懷珍至奉宣聖旨存問兼賜臣墨詔天  
光下濟眷澤曲流銜恩未酬居寵彌懼臣某中謝臣受任斯  
極微功莫施昨以封略未寧干戈猶動壽春固壘以備盜  
淮甸興師以扞姦經費所資數盈鉅萬餽時久供億力  
殫慮始圖終不敢緘默輒陳管見上黷宸聰伏蒙聖慈特  
遂誠請遠承如綍之旨特假聚人之財軍須不慙士氣彌  
振糗糧既備永無半菽之虞襦袴足頒遠超挾纊之感是  
爲悅使咸願先登臣忝惣戎倍百欣荷伏以上分國用俯  
濟軍興候清煙謹備償納

蘇州謝恩賜加章服表

文宗

前人

臣某言伏奉去年十一月二十七日詔書加臣賜紫金魚  
袋餘如故者恩降重霄榮霑陋質集作虛黷陟明之典恐  
興彼已之詩寵過若驚喜深生懼臣某中謝臣起自書生業  
文仕德宗朝爲御史以孤直在臺順宗朝爲郎官以緣累  
出省憲宗皇帝後知其冤枉特降勅書追赴京國緣有虛  
稱恐居清班務進者爭先上封者潛毀巧言易信孤憤難  
申俄復一麾外轉三郡伏遇陛下膺期御宇大振滯淹哀  
臣宿舊猥見收拾職兼書殿官忝儀曹微績集作勞未宣薄  
命多故入離省署重領郡符延英面辭親承教誨銜命即  
路星言載馳到任之初便逢災疫奉宣聖澤恭守詔條上

稟眷謨下求人瘼才術雖短憂勞則深幸免流離漸臻完  
復皆承聖化所及遂使人心獲安豈由微臣薄劣能致臣  
素乏親黨家本孤貧年衰無酒色之娛性拙無博奕之藝  
自理集作大郎又逢時災晝夜苦心寢食忘味曾經讒集作  
毀每事防虞唯託神明更無媒援豈期片善上達宸聰迴  
日月之重光燭江湘之本國絲綸褒異苦節旣彰印綬煒  
煌老容如少望雲天而拜舞豈盡丹誠視環玦以徘徊空  
嗟白首無任感激屏營之至

文苑英華卷第五百八十九

登仕郎胡柯 鄉貢進士彭叔夏 校正

文苑英華卷第五百九十九

表三十八

公卿雜謝三

爲李尚書謝恩表一首 代羣官謝恩表一首

爲將軍程處弼謝放流表一首 謝觀唐昌公主花燭表一首

謝追赴大禮表一首 謝入朝表一首

謝書上考表一首 爲李大夫謝恩表一首

爲張監謝天長節答賜表一首

爲崔鄴公謝勅追赴京表一首

謝恩寫真表一首 爲崔僕射謝恩賜表一首

謝恩表二首 爲百官謝放朝表一首

爲京兆尹捉賊不獲謝恩表一首

爲京兆韋尹謝許折糴表一首

謝差中使送上表一首 謝獎諭表一首

謝追赴闕庭表一首

代李侍郎謝用內庫錢充軍資表一首

爲李尚書謝恩表

王行先

臣某言監軍副使迴伏奉勅書手詔宣慰臣及將士黎庶等并賜幕府大將已下改官告身二百八十七通聖澤鴻私發揚寓縣榮光喜氣充溢轅門臣某中謝伏惟皇帝陛下配天立極撫運承一作乘時酌萬姓而爲心法四時之特信汗馬之勞必錄鳴雞之用不遺實均雨露之慈曲播乾坤之造頃以戎臣殞喪軍國憂惶將校叶心佐寮奉職皆能獎忠守義俟命於天致使州縣底寧風塵不警此乃臣子常分國家舊規守而勿失幸免獲戾豈意聖謨廣運眷渥旁流特令甄叙寵授官命勗以忠貞之効優其爵秩之榮光啓朝端昭宣海內凡是含識孰不知恩其來希皓等

二百餘人無不感極成悲銘心殞涕不勝荷戴之至

代羣官謝恩表

李嶠

臣嶠言臣植性愚陋稟質庸疎過蒙恩私特垂獎飾擢自泥滓之下升之雲霄之上參預機密接奉軒墀寵光百寮榮被九族殞身未能以答施灰骨不足以明恩屬日月齊明乾坤交泰弓旌出谷俊人盈朝非親非賢無藝無識猥將齊等入吹謬以鄭璞爲珍昔綜銓衡有慙簡要署置過當涇渭莫分致令外削氓黎內傾府藏煩擾之弊旣傷於國體謗訕之咎允集於臣躬是用仰慙公朝下積私懼顧循支離犬馬之疾恐玷楫撲鷓鸞之羣不敢仍勞隼繩實願自甘屏黜言布心腹輒以陳祈而愚慮不周慙違自速有命遄降營魂載飛豈徒絕望丘園故有甘心鼎鑊忽蒙聖恩懸察慈旨曲矜爰集簪纓諭以絲絃許臣以無無慙衡

鏡恠臣以輒謝鹽梅察臣誠款之言心一作知其憂國覽臣  
狂愚之奏謂合事宜謹讓之中恩多而責少含容之內善  
詳而過略本將因愆而獲戾翻乃以諂而蒙榮唯大造曲  
成既蒙再生之惠小人多幸方輸九死之答無任欣喜踊  
躍之至謹詣明福門奏表陳謝以聞臣嶠誠歡誠喜頓首  
頓首死罪死罪

為將軍程處弼謝放流表見六百十八卷

陳子昂

謝觀唐昌公主花燭表玄宗

張說

臣說言內侍尹鳳祥宣勅賜臣觀唐昌公主花燭伏以天  
人下嫁王宰送行苟非榮集作殊寵何階瞻望臣免歸餘叟  
忽承朝請之恩廢駕羸集作疲駿復覩肅雍之禮鴻私所被  
枯瘁生光無任歡荷之至謹奉表陳謝以聞

謝追赴大禮表玄宗

王峻開元十年

臣峻言直省王容至伏奉恩勅朔方無事且赴大禮者臣  
肅承寵命喜躍交并臣某中謝臣實不才累承恩獎入叅  
喉舌叨居國相之榮出惣旌麾謬忝元戎之寄常願俯陳  
螢燭寧有益於曦舒思竭涓塵何以裨於海岳每憂折鼎  
負乘碎首糜軀何階答施伏以禋宗大享禮備郊天特垂  
綸綍之私聽同玉帛之會馳心輦蹕不遑俟駕跼影塞垣  
迫於運守以慶以懼戰汗兼深今長河始冰大漠初雪邊  
亭有賊今正其時事不可期兵難預度儻驚塵忽起禍出  
不虞臣進不之京退不及事微軀塞責無益於軍誠願陪  
扈屬車仰望雲漢顧惟軍旅之重正當備預之辰不敢釋  
此嚴防馳赴恩命惟當利兵訓卒息烽候於三邊耀武懷  
荒宣皇威於萬里無任悚荷屏營之至

謝入朝表玄宗

李邕

臣邕言伏奉七月十五日恩勅許臣會計京師者止水一  
盃忽聞朝海枯查八月更得睹作浮天臣某中謝臣以幽  
遐必察者日月之照明憔悴皆霑者雨露之恩廣伏惟陛  
下天德陰隲神功獨斷咸造吹萬容至於工養報通三大  
及於小豈臣微物得預洪鑪在昔全生已承曲記斯今止  
計再荷特恩戴盆之心仰天有望出籠之鳥飛空可期方  
將蹈舞闕庭慙戴冠尺葉公宿願一覩真龍岐下遺趾忻  
逢聖主無任喜躍慙荷之至

謝書上考表玄宗

李邕

臣某言伏奉今日日聖恩鑒以薄能光賜上考御詞激物  
眷獎動時戴天不類表勝跼地無所臣某中謝臣聞荷再  
造者遍於有情勸廢工者盡於有位莫不宣其力竭乃誠  
欣赴前傳耻居後殿者蓋以萬數則區區揚化眇眇納忠

自比彭蠡之魚更是海濱之鴈伏惟陛下大和布氣臣壑  
流津宇宙開明既煦類表纖草山河鮮潤每納昆蟲豈臣

凋枯復霑雨露天漢之上遙記嚴平宣室之中興言賈誼  
摧羽插翼忽飛翥於雲霄暴鯁捷鱗重游泳於溟渤豈有  
循吏得預詞林鼯鼠軒墀鷓鴣鐘鼓徒驚獎飾益用慙惶  
況乎政術空虚稟述累積文高日月辰象法之不逮德厚  
嵩華羣岳朝之莫階雖郭隗濫觴明主有所蓄意然邵信  
躬本微臣不敢負人慶抃則深憂懼亦功無所報國空以  
誓心不任感荷欣暢之至

為李大夫謝恩表肅宗

常袞

臣某言伏奉聖恩捨臣罪累復臣班榮承命驚慙戴恩惶  
抃臣某誠歡誠懼頓首頓首伏惟乾元光天文武大聖至  
德孝感皇帝陛下俯寬國法大庇宗枝况抵憲章已從輕



典臣合緣坐又貸殊私雷霆解威日月迴照枯木之上殘  
花忽開死灰之中餘燼再蕤曲承含育特荷仁慈一門感  
恩萬死何効謹奉表陳謝以聞臣某誠歡誠喜頓首頓首  
謹言

為張監謝天長節答賜表

玄宗

于邵

臣某言伏奉恩命賜臣若干物寵錫自天兢魂無地臣某  
誠歡誠喜頓首頓首伏惟開元天地大寶聖文神武應道  
皇帝陛下寶運應期金秋表節慶邁賡謌之曲歡同率土  
之濱循之由秉無以展禮輒獻衣鏡式陳懇款不謂聖慈  
迴顧允納洎泮宸光曲臨行及惠賜載驚載懼罔知攸處  
臣本愚直早荷賞延陛下念舊勳庸擢臣專典御府盡忠不足  
報德勞力豈曰幹時空勤日慎之心以副夙興之戒無任  
感戴屏營之至謹奉表陳謝以聞臣某誠歡誠喜頓首頓首

首謹言

為崔鄴公謝勅追赴京表

前人

臣某言伏奉十二月日勅追赴京仍待史翹到即發恩私  
曲被喜賀無從臣某中謝臣聞至誠感神雖微必應皇天  
鑒物無幽不通伏惟陛下道貫乾坤明懸日月千年一聖  
四海再寧臣實何人時逢昌運所緣荆襄微擾尚軫聖憂  
不以臣之非才特加節制持綱憲府曳履文昌一日九遷  
頻頻忝竊常恐委身江外朝滄海而無因豈意復命闕庭  
隨白雲而有望遙思捧日預想朝天臣子之情倍萬恒品  
不勝

謝恩賜真表

前人

臣某言今日月中使至伏奉聖慈特賜寫臣容貌絹圖一  
本跪捧殊賜錫一作統抃交馳臣某中謝臣聞兩漢功勳國

朝將相咸傳風彩遂列丹青非爲當代之榮亦欲後來之  
識臣功無半古貌未出羣叨承明主之恩又冠台司之首  
重蒙渥澤特降畫工神旣盡傳照無遺寫從衰朽之質別  
荷寵光分遭遇之形長含喜氣誠慙鎮俗頗近恭人祇嚴  
如見於大賓拂飾信歸於天造驅馳聖運撫躬未負於微  
誠唐突前賢顧影不無於愧色足以流傳不朽舒卷無窮  
君父迴恩便是百身之報子孫爲寶知承一顧之榮無任  
兢荷屏營之至

爲崔僕射謝恩賜表

代宗

前人

臣某言某官某至伏奉勅書仍賜手詔并諸錫賚一作賜等宸  
聰眷眷以及臣舉族同歡致身無據臣誠歡誠喜頓首頓  
首臣聞自古明哲之君以化天下也莫不乘時制變因弊  
立法旣資體國亦在使人常準大端不失其道伏惟寶

應元聖文武皇帝陛下隱旒思理宵衣布政臨萬物而含弘  
不測明四察而英斷非常去邪勿疑則滌除汙俗渴賢致  
理則振拔時淹納強諫而如流佇沃心而不足微臣何幸  
屬會昌期今四罪咸伏八蠻慕義祿有所及刑無所寃再  
鼓登聞申明理匭發令而邕熙日洽推心而反側自安何  
負阻而不來何假威而不敗太宗聖化復見于今文命賡  
誥詎慙希古日宣九德千載難逢然則靡不有初前史攸  
誠知始知卒唯聖能之今陛下發自宸衷慙慙詔命克念作  
聖期于必然無任抃舞欣歡之至謹遣某官奉表陳賀以聞

謝恩表

代宗

帝元甫

臣某言中使楊華林至伏奉勅書宣慰臣及將士者祇奉  
寵靈進退兢惕臣某中謝臣本書生素非公器恭守憲令  
所期自勉惣司戎律實非所長頃者宣州用兵皆以詔書

從事但悉所管兵馬稟副元帥文符幸隨衆軍克有成績  
皆王縉指蹤之力袁傑致命之功羣帥成之在臣何有今又  
曲承霑澤特賜天書任重材微恩深効淺拜舞之下戰汗  
從不任歡喜踴躍之至

同前

前人

臣某言中使鎮軍大將軍行左威衛大將楊宗敬至奉勅  
宣慰臣等清問俯臨兢懼交集臣某中謝臣識非務大才  
不逮人依日月之末光叨藩條之重寄臣之薄劣實負寵  
榮頃年已來寇盜漸息時將休泰人自康寧臣但布皇風  
恭行憲令待罪而已致理無聞曠官之責未書偏照之榮  
已及再三循省何以克堪蹈舞徘徊唯增戰越不任忻躍  
之至

爲百官謝放朝表

高郢

臣某等言中書門下奉宣進旨緣天寒常參官放朝者伏  
惟皇帝陛下憂勤致理惻隱無遺節應祁寒仁深潤下宵  
衣之際天意迫於周行挾纊之恩羣臣煦於堯日無任欣  
荷感銘之至

爲京兆尹捉賊不獲謝恩表

前人

臣某言臣亡兄某頃於興平縣界遇賊劫死臣辱司京尹  
職在肅清不能屏息姦回乃令害及骨肉既負曠官之責  
仍積私門之恨此賊漏網臣亦何顏況以私讎上貽聖德  
寬臣弛慢之罪哀臣死喪之戚頓降德音容臣追捕又恐  
事端皆知巢穴緣是行營官健未敢懸有追擒計會往來  
遂淹旬日以今月某日於某懸界捉獲所射臣兄賊某軍  
行官某并同伴若干人此乃天意除害轅門奉法不然則  
崔蒲之盜安得盡誅冥漠之魂猶將永恨擒姦擿伏仰荷

聖威雪憤申冤俯獲私願生死蒙施無階上答無任

為京兆常尹謝許折糴表

劉禹錫見集本

臣某言伏奉詔旨臣所請畿內折糴宜令度支計會定數奏來者天慈廣被人瘼是求臣某中謝臣自理京邑不先威刑唯務便安所期富庶每因賜對常奉德音府縣之間巨細令奏伏以聖明在上風雨應時頃成之年穀糴常賤若無輕重之法必利兼并之家輒敢上聞請行折糴天光下燭幽隱無遺宣付所司允繇所奏事關理本惠及生靈臣忝尹京倍百欣荷

謝差中使送上表

前人

臣某言中使吐突仕曉至奉宣聖旨慰諭并送臣至本任者深山遠郡忽降王人跪受恩榮仰瞻宸極伏以發自巴嶺至于南荒涉水陸湍險之途當炎夏鬱蒸之候山川縈轉晨夜奔馳幸無他疾得至本管九重結戀遙傾捧日之心萬里獲安皆荷自天之祐無任云云

謝獎諭表憲宗

馮審

臣某言今月本道監軍使內侍省官闈令劉某至伏奉某月日勅書并賜臣手詔奉宣口勅特加獎諭將士官吏百姓僧道等並蒙宣慰存問者王人旋鎮宸藻自天敷德澤於藩維被恩波於動植爰及介胄逮於摠紳一作榮寵若驚交抃無措臣某中謝伏惟睿聖文武皇帝陛下恭承寶圖奄宅區寓一物失所心軫於憂勤一善可稱無忘於獎勗義深共理務在擇人升平之運實遇今日臣以儒流賤品生遇聖明雖力罄駑駘而効無絲髮皇明鑒澈撫勞再三黎甿既荷於生成尸素稍寬於罪責揣循涯分木石增慙又降殊私曲霑眷渥慰諭之意稠疊於頒宣剪飾之榮

昭彰於綸綍無微不錄無遠不該地里雖介於炎荒天威  
如在於咫尺所期俗阜以洽邕熙

謝追赴闕庭表

憲宗

前人

臣某言某月日度支急遞到伏奉某月日勅追臣赴闕庭  
者鴻恩曲被宸翰臨來自天秉出於望表抃躍無地光輝  
在身臣某中謝伏惟眷聖文武皇帝陛下以至仁格物玄  
德統乾臣孤立愚直素空器藝朝無瓜葛之援外絕明黨  
之私以苦抱忠自託明代神理照鑒天聰自仁遂忝再領  
近州一居方鎮前歲延英面辭之日親受聖意百身何答  
三復在心銘肌鏤骨恐不負荷洎祇思赴任陳力在公海  
隅黔黎日樂皇化至於軍州經諸道往來但守官司不虞  
謗讟直以丹心奉上仰恃宸威亟經二年首涉三載幸無  
罪戾皆荷生成陛下聖慈優柔皇鑒明朗不遺一物信若  
四時果降中詔特令赴闕恩崇感極義切戀深顧親族而  
生輝望雲霄而有喜以今月五日發離本鎮剋期兼道計  
日趨程魂馳軒階心注晷刻朝天既近承雨露而增榮向  
闕匪遙望恩光而稱慶

代李侍郎謝用內庫錢充軍資表

代

呂溫

臣某言今月十三日面奉進旨其南郊賞設錢恐度支支  
計闕少以內庫錢充者臣聞王者以四海為家君道唯百  
姓與足象天平施而無別如地生財而不私薄奉已而厚  
奉公重從人而輕從欲知則孔易行之惟艱曠代莫聞今  
日斯遇伏惟皇帝陛下誕膺駿命富有萬邦而能寶玄元  
慈儉之宗奉列聖憂勤之緒臣謬司禹貢竊見堯心非戎  
祀之用無急宣非軌物之經無別獻土木之功遂聞於廢  
息恩倖之賜殆絕於霑濡固已行路謳吟搢紳抃歎者久

矣伏以郊禋有日慶澤自天楚師思挾續之恩漢將望解  
衣之惠國存舊典事有恒規臣在集作職司敢不供集陛  
下憐江淮雨暉旱暵集作念庸蜀新罷大兵雖經費有餘  
而聖慮猶軫昨因伏奏親奉德音悉擬出集作內府金錢  
御服繒絲約躬節用濟集作國瞻軍允叶師和克虔集作  
祀事必知感人神之德未酌獻而幽通動天地之誠先燎  
煙而上達百祥所降萬福攸宜信可以光洽寰區夔掩圖  
篆家知自遂戶識至公風人寢杼軸之詩黔首臻富庶之  
域微臣何幸獲覩升平至德難名載深感躍無任喜抃激  
切之至謹奉表陳謝以聞

文苑英華卷第五百九十

登仕郎胡

柯

鄉貢進士彭

叔夏

校正

